



王先謙自定年譜中

光緒十一年乙酉四十四歲

六月十五日奉

旨補授國子監祭酒 二十三日奏三海工程請暫行

停罷摺疏云爲三海工程請暫行停罷恭摺仰祈

聖鑒事 臣維

深宮之施措四海之觀聽攸關一動作不可苟也方今

軍事甫定防務尙殷

國帑竭於上民生蹙於下誠

皇太后

王祭酒年譜 卷中

皇上昕宵惕勵之秋也近聞有興修三海之舉 臣實至

愚未見其可爲迎合之說者曰

聖躬憂勞宜有遊覽燕息之地况費出捐辦亦復何傷

臣思三海地方宏闊工費浩繁土木旣興踵增華

飾捐項不給勢將以庫帑繼之且舉事亦惟酌時

勢之當否耳今兩江兩湖兩廣大水成災爲數十

年所未有自 臣鄉來者言湖南省城西關外水與

屋齊城內半通舟楫男女露處嗥號慘動心目常

禮一帶淹斃萬餘人各省災民流離道路情形大

略相同若



特沛恩膏卽以此捐修三海之金錢廣賑災區全活民命豈不較臺沼遊觀更爲愉快耶

朝廷下一憂勤之旨則疆吏多一分盡心施一振恤之仁則民情多一分固結

皇太后

皇上今日惟當念念爲

國事事爲民庶有以鞏萬年不拔之基而消寰海無形之患俟民生樂業

國勢自強然後寄意遊娛稍事工作未爲晚也昔唐太宗詔修乾陽殿以備巡幸納張元素之諫而止

王祭酒年譜 卷中

二

敬宗欲於宮中營新殿李程言不宜興作請以瓦木回奉園陵敬宗欣然從之史冊流傳以爲休美何必今代遽讓古人或謂事止不行重拂

聖意 臣 仰惟

簾聽以來事事屈己以從百姓之欲故天下感頌

聖德異口同聲豈因今日偶爾怡情不肯一迴

宸顧 臣 忝列班聯受

恩深重何敢箝口結舌以負

聖朝伏望

俯採芻言天下幸甚 臣 不勝戰慄待

命之至 又代友人擬請

飭會拏直東豫三省交界盜賊摺疏云爲盜賊擾害地方亟宜會拏以靖亂源恭摺仰祈

聖鑒事竊爲治莫要於安民安民莫先於除暴邇來捕務廢弛盜賊繁興而避藏之巧延蔓之多惟直東豫三省接壤之區爲尤甚東有曹單盜賊出焉西有滑濬盜賊聚焉南有城武考城北有開州長垣盜賊之淵藪靡窮焉其間黃河兩岸地方遼闊遠則百餘里近則數十里交界處所擊柝相聞一夕可周歷三省三省之盜賊一夕可糾合一處既有

王祭酒年譜

卷中

三

此疆彼界之分卽有此拏彼竄之勢有司以鄰爲壑孰肯越境而謀此所以三省交界地方素名爲三不管也於是有一村爲盜良民不敢首者有連鄉爲盜里保不敢問者有踰境爲盜藉窩主藏身夜聚曉散者聞單縣境內有曰一千王莊者大半出境爲盜開州境內窩盜二百起每起七人扮商行劫其聯盟結黨猶是長槍會之故技良由民情獷悍械鬪成風藉拳棍作生涯視刀槍爲故物千百嘯聚樂於從事至有父導其子兄率其弟者此三省交界之民習於爲盜之實在情形也官斯土

者平日未能潛移默化反謂保甲良法爲紛擾從不實力奉行徒藉界址膠轕巧爲委卸遇搶劫案件失主報官延閣不辦者無論矣卽案情重大不得已而緝捕但憑總役爲耳目而總役又以夤盜爲事坐地分肥羣盜趨奉餽遺名曰拜門因而力爲包庇且有在此縣爲役彼縣爲盜者光緒九年祥符屬之辛店集搶劫銀兩一案經祥符縣拏獲正盜供係長垣縣署現充總役其明證也是以案被告發總役調停其間或買物抵贖以償之或演戲賠禮以謝之如失主不從必須破案彼又移甲

王祭酒年譜

卷中

四

就乙賄賣蠢愚無賴者抵案以圖消弭有司亦樂於百計彌縫倖脫處分情弊難以枚舉查光緒五年考城屬之秦家老寨被搶一案秦姓被賊殺死其姪受傷報官屢經上控迄未獲賊直至其姪候質身死結案十年十月滑縣屬之老河寨村被劫一案有馬賊數十搶劫薛姓施放洋槍將薛姓斃命十一月羅姓被劫一案該匪用刀偏嚇施放洋槍將羅姓斃命此皆近事之有案可稽者其總役弊混化有爲無及良懦吞聲不敢告愬者尙不知凡幾今值軍務甫定遣勇甚多難保無游手不法

之徒四處散佚此盜不及早翦除誠恐暗潮結釀成巨患應請

旨飭下直隸總督山東河南巡撫會商妥籌參酌成法變通辦理嚴飭文武員弁不分畛域協力搜除以期盜賊肅清閭閻不擾果能拏獲本境及鄰境要犯准員弁從優保奏兵役重給花紅儻仍前推諉因循以致盜賊蔓延卽由該督撫指名嚴參更乞嚴旨責成該督撫認真辦理俾知警勵庶無養癰貽患之憂矣臣籍隸河南見聞較確愚昧之見是否有當伏乞

王祭酒年譜

卷中

五

皇太后

皇上聖鑒訓示謹 奏 七月二十日奏請國學添設

舉監名目准舉人入監肄業摺及請

恩准職官入監夾片本衙門會奏疏云爲太學肄業生擬請因時變通增設舉監名目准舉人與貢監一

體收錄恭摺仰祈

聖鑒事竊維臣監六堂向以各直省貢監生彙送考試

入監肄業而舉人例不與焉推求立法之意蓋以

國初仕路疏通儒生一中乙科卽登宦籍不應更廁

身太學致妨貢監生甄用之途康雍以還科目日

盛銓選因而擁擠伏讀乾隆七年

聖訓已有舉人日積日眾需次多年不得一官之

旨至今日而勞績捐納充滿天下銓法愈滯士子名登甲

榜始爲筮仕之期舉人非由

大挑教習得官謄錄議敘及兼藉他途出身者鮮不皓

首一經困窮終老此亟宜加意者一也學人既列

賢書已出貢監生之上進掇巍科則內廟

朝班外膺民社莫非爲

國任事之人正當及尙未釋褐之時使之肆力簡編

養成器識乃以限於成格轉不得與貢監等同沐

王祭酒年譜

卷中

六

聖主之教思既無當於育才亦非所以勸學此亟宜加

意者二也明代學校之制入國學者通謂之監生

有貢監有廩監有例監有舉監卽舉人也洪武初

擇年少舉人趙維一等入學永樂中舉人會試下

第輒錄其優者俾入學以俟後科嗣後遂爲定例

欽定明史選舉志可考按也今舉子春闈報罷其欲畱京

者不少資生乏術覓館維艱無不願厯事上庠一

霑廩餼以爲奮志潛修之地若不加以收錄實不

足作士氣而順羣情此亟宜加意者三也如一體

入監肄業厥有三便自捐例減成粟監且盈天下

於是太學重地恆貢少而監多其潛心問學者固不乏人而射利者流惟圖竄名入籍得以霑潤直隸山東兩省監生重名代替實繁有徒每值考錄住學幾於防不勝防詰不勝詰舉人則皆係本身凡入監者取同鄉官認識印結爲憑無從冒認考選既得其真稽察尤易爲力便一監生多在本省應試無事來京雖有通材何從廣爲羅致舉人則三歲計偕畢萃輦轂拔尤宏獎易收英才樂育之效便二明初歷科進士多出太學洪武朝戊辰辛未廷對第一者皆太學生撰題名記立石監門進士題名碑由此相繼不絕

王祭酒年譜

卷中

七

國朝進士立碑尙沿故事而其由來無復深考矣誠令舉人入監則明經飭行孰不爭自濯磨貢舉之年必多成就人才鼓舞之機端在於此便三臣等伏惟成法貴於遵循而時宜必當參酌矧立教培才之道不厭精詳果於學校有裨敢不權衡變通

上副

聖主作人之化爲此合詞具

奏懇

恩將臣監肄業生增設舉監名目准以各直省舉人入

監肄業卽於貢監生員額內通融錄補以廣甄陶
而資鼓勵出自逾格

鴻施臣等爲振興學校起見是否有當伏乞

皇太后

皇上聖訓示謹奏又片奏云再向來臣衙門無

職官入監肄業之例惟近日捐例減成樂輸頗多
士子戎行著績刻章半列儒生幸邀頂戴之榮弗
與膠庠之選求仕不得願學未能揆厥情形允宜
矜恤擬嗣後無論舉人貢監生除由捐納勞績得
有正印職官投供候選者卽係已入仕途無庸收

王祭酒年譜

卷中

八

錄外其非正印職官未經投供仍情殷向學者懇
請

恩准入監肄業至舉貢考取教習傳到需時者請一併
入監肄業以廣裁成是否有當謹附片具

奏伏乞

聖鑒訓示謹奏奉

旨依議欽此二十四日奏請

頌

列聖御製詩文集

聖訓摺及

欽定方略夾片疏云爲援例請

頒

列聖御製詩文集

列聖聖訓於國學以興教化而振人材恭摺仰祈

聖鑒事竊維育才莫先勸學博古尤貴通今士人讀書

經史百家皆應究心然必練習掌故儲爲經濟斯

稱有用之學矧我

朝

聖

聖相承

王祭酒年譜

卷中

九

摛文

垂訓所以

教導臣民者無微不至學者欲求立身行己之方制治保

邦之要追詞章之極則洞考據之精微但能服膺

列聖纂定頒示諸書往復沈潛皆可逢原自得有不待外

求者伏讀

欽定國子監志

賜書一門

御製詩文集曾蒙

列聖隨時頒發又雍正年間先後

頒賜

上諭內閣起康熙六十一年止雍正七年不分卷
硃批諭旨一百二十冊不分卷蓋以太學爲首善作人之

地欲士子開拓識見通知政要蔚爲

國家有用之材

聖意甚深遠也昨者恭閱邸鈔本年閏七月內恭親王等

奏

列聖御製詩文集

列聖聖訓先後奉

旨校勘刷印完竣太學士子靡不踴躍歡欣冀得瞻仰

王祭酒年譜

卷中

十

全書臣等既嘉該士子仰希

教澤之心又以茲事本屬切要之務不揣冒昧援例上

請

頒發

列聖御製詩文集

列聖聖訓各一部於太學俾士子咸窺

美富益懷

訓行從此人才振興以冀仰答

高厚鴻施於萬一謹合詞繕摺具陳是否有當伏乞

皇太后

皇上訓示謹 奏 又片奏云再
欽定平定粵匪擒匪方略

聖烈 神謨昭示萬古歷經

願賞臣工可否併請

願賜各一部俾士子恭閱

鴻編知今日身享太平悉原

宵旰憂勤登斯民於衽席感激

天恩作其忠義之氣且由此擴充識見洞達機宜則今

日橫經鼓篋之儒卽異日腹心干城之選似於士

王祭酒年譜 卷中

十一

氣人材實有裨益是否有當謹附片具陳伏乞

皇太后

皇上訓示謹 奏奉

旨著由內頒發欽此 八月初一日奉

旨江蘇學政著王先謙去欽此次日具摺謝

恩十八日請

訓蒙

召見一次束裝就道十月二十六日抵江陰駐署隨恭

摺奏報到任奉

旨知道了欽此十一月發觀風題坵撰勸學瑣言一冊

開設南菁書局彙刻先哲箋注經史遺書捐千金
爲倡期以三年成之

光緒十二年丙戌四十五歲

二月出棚考試蘇松鎮太四府州屬 三月奉

太夫人遺命報捐千金助山東賑捐由山東巡撫

具奏

賞給太夫人樂善好施扁額 六月回署試常州府屬

奏報歲試五屬情形及設局刊書事宜夾片片云

再毓才之道勸學爲先爲學之方窮經爲首

國朝經學昌明鴻生鉅儒時時間作前大學士臣阮

王祭酒年譜

卷中

三

元總督兩廣採輯諸家言刊爲

皇清經解一書深有裨於學者迄今又數十年海內經

生纂述相仍流風未沫兵燹之後遺文秘帙所在

散見及今網羅叢集刊布流傳彰

國家文治之隆慰薄海士林之望亦學臣職也臣昔

於阮元所刊經解外搜採說經之書爲數頗多抵

任後以蘇省尤人文薈萃之區檄學官於儒門舊

族畱心蒐訪時有采獲共得書近二百種都一千

數百卷類皆發明經義爲學者亟應研究之書稔

知甯蘇兩書局近來經費不甚充裕未能刊此巨

帙因就近於江陰南菁書院設局彙刊曾函知督

撫臣在案臣已捐銀一千兩鳩工繕寫惟此項刻

賞爲數較鉅容再函商督撫臣轉諭僚屬量力捐

助本省士紳有好義樂輸者亦從其便臣委派書

院董事兼管收發銀錢書籍事宜並飭江陰縣知

縣稽查董理事務從樽節期於工歸實濟費不

虛糜書成後仿漢代碑陰之例將捐助官紳銜名

銀數附刊一卷俾垂久遠仍慮經費或有不敷臣

於考試蘇州時與撫臣面商在蘇局分刻數種亦

經撫臣允諾區區愚忱冀合眾擊之力以成有用

王祭酒年譜

卷中

三

之書似於表章經術啟迪學人不無裨益謹附片
具陳伏乞

皇太后

皇上聖鑒訓示謹 奏奉

旨知道了欽此 八月出棚試揚通淮甯四府州屬

十二月回署

光緒十三年丁亥四十六歲

二月出棚試徐海兩屬歲科並行 五月回署科

試常州府屬 六月奏報歲試完竣並科試徐海

常三屬情形奉

旨知道了欽此 八月出棚科試鎮蘇太松四屬 十

月回署聞豫省河決鄭州水勢南趨慮春水發生

淮揚士子難以齊集赴試於十一月出棚科試淮

安 是歲三月二十八日妾毛氏生女大貞十月

十八日妾宋氏生女二貞

光緒十四年戊子四十七歲

正月科試揚州 二月試通州畢回署 三月女

二貞殤是月奏太監李連英招搖請

旨懲戒摺疏云爲太監招搖請

旨懲戒事臣維宦寺之患自古爲昭

王祭酒年譜 卷中

古

本朝法制森嚴從無太監攬權害政之事

皇太后簾聽以來辦理一稟

前謨毫不寬假此天下臣民所共知其見者爲太監者宜

如何小心謹慎痛戒非爲乃有總管太監李連英

秉性奸回肆無忌憚其平日穢聲劣迹臣不敢形

諸奏牘惟思太監等給使

宮禁得以日近

天顏或因奔走微長偶邀

宸顧度亦事理所有何獨該太監誇張

恩遇大肆招搖致太監虎哨李之名傾動中外驚駭物

皇太后

聽此卽其不安本分之明證易曰履霜堅冰漸也

皇上於制治保邦之道靡不勤求夙夜遇事防維今宵

小橫行已有端兆若不嚴加懲辦無以振綱紀而

肅羣情臣雖職守攸羈何敢稍存瞻顧之私緘默

姑待以負

聖朝謹專摺糾參伏乞

皇太后

皇上聖鑒謹 奏 六月出棚科試江甯並錄送遺才

是月

王祭酒年譜

卷中

五

皇清經解續編刊成余奏刊經解後到蘇州晤崧鎮青

中丞駿與商此事慨然允蘇局助刊四百卷仁和

葉槐生主政維幹在上海主書院講亦願在滬助

刊余復設局長沙江陰兩處延親友分董其事成

書一千四百三十卷廣丐同志鳩集五萬餘金以

二年餘獲成巨編非友朋仗助之力不克至此誠

厚幸也謹爲序云

國家稽古同天崇邁往牒

世祖臨御之初

御注孝經頒示海內所以宏闡經術綱維人極復

命廷臣撰易經通注折中古訓仰稟

睿裁

聖學精深開生民所未有

列聖繼體炳焉同風

聖祖

世宗

高宗三朝

欽定

御纂諸經揭日月而章雲漢於是海寓承學之士憬然於

聖教所先羣以研經爲首務而又

王祭酒年譜

卷中

六

殿本

庫書布在寰宇凡優游

盛世者咸得悉其智能闕仰美富家纘戶述流風益昌

本朝經學之隆跨唐躡漢非夫

大聖人培植深而嘉惠厚其奚及此易之賁貞離而悔艮

其彖辭曰觀乎人文以化成天下而離之彖辭則

曰重明以麗乎正乃化成天下夫人文者化成之

象也然非重明麗正無以致之唯我

聖清當之矣道光間前大學士臣阮元總督兩廣薈萃

國朝學人撰著刊於粵東爲

皇清經解千四百卷

昭代之儒風導後進以繩矩優優棣棣觀者美焉今距
粵東刊經之日踰六十年中間寇難迭興羨警相
望而率土人士內函貞固之氣外炳文明之姿枕
席可安弦誦不輟纂述之盛視承平時抑無多讓
幸值

神武者定寰海鏡清不於斯時哀集遺編賡續刊布懼
彌久散佚曷以稱

聖天子勤學右文至意光緒十一年_臣奉

恩命視學江南抵任後檄學官覃心蒐采合_臣舊藏掇
王祭酒年譜卷中 七

其精要得書二百九部都千四百三十卷

奏請設局刊刻經營三載工乃告成_臣自愧學術疏

庸觀聽未廣豈足以繼先_臣阮元之萬一惟是彙
而存之以待後善學者擇焉冀於

聖朝文治少有裨助竭_{微臣}區區之誠云爾 七月奏

報科試完竣摺及

皇清經解續編刊成摺疏云爲經解刊有成書恭摺具

陳仰祈

聖鑒事竊_臣於光緒十二年六月十九日附片

奏明在江陰南菁書院設局彙刊經解情形七月二

十六日遞回原片軍機大臣奉

旨知道了欽此

臣

以此次蒐訪經解得書較多刻費浩

繁非

臣

棉力所能獨任比卽函知督

臣

曾國荃撫

相助飭屬鳩貲源源而來極形踴躍卽他省官紳

亦以

臣

此舉爲表章經術起見多有不待函商徑

自措寄前來者

臣

飭局樽節動用嚴密趨催撫

臣

亦飭蘇州書局助刊多種首尾三載幸獲有成爲

書二百九部都一千四百三十卷體例一仿前大

學士

臣

阮元所刊

王祭酒年譜

臣

卷中

皇清經解名目

臣

太

皇清經解續編葢事後板存書院刷印流傳俾藝林承

學之士宏觀覽而備研摩庶幾文教日益振興上

副

聖代作人至意至此次捐貲合計漕平足銀壹萬九千

三百三兩二錢二分五釐除蘇局助刊書二百四

十三卷外計

臣

局刊書一千一百八十七卷實用

銀一萬六千三百三兩二錢二分五釐餘存銀三

千兩正飭交江陰縣知縣發商生息以裕書院經

費書局卽行裁撤此項悉出官紳捐助並未絲毫

動用公款仰懇

天恩准免造冊報銷除將印本咨送軍機處備查外所有刊刻經解成書緣由理合恭摺具陳伏乞

皇太后

皇上聖鑒訓示謹 奏奉

旨知道了欽此 八月初十日回署奏交卸後請假兩月回籍修墓一摺奉

旨賞假兩箇月欽此 十月新任學政大理寺少卿楊蓉浦同年 願 行抵江陰奏交卸回籍一摺 十一

月初二日由江陰啟行初五日至江甯女大貞殤

王祭酒年譜 卷中

五

二十九日抵長沙寓喻家巷族祠公屋 是歲刻

周自菴先生詩文詞日札共十九卷總爲思益堂

集成序曰周自菴先生旣沒之明年喆嗣芋生大

令以毀卒其孫椿圃遭兩世大喪匍匐經營不遑

暇息先謙慮先生撰著日就湮失訪諸其家得詩

文詞日札共如干卷亟與瞿子玖學士謀共捐貲

刻之旣成謹爲序曰先生當咸豐初以文學侍從

受

上知

特命巡防處行走兼辦京畿團防事宜將不日躋顯要先

生感激奮厲彈劾無所避忌權貴側目由是岌岌不安其位矣會以憂歸里曾文正再出督師引與其事而胡文忠與先生有夙嫌扼之不得合併晚歲還

朝久乃進秩同光之交兩守侍郎而先生遽以疾休終其身進退顯晦之際若是其艱也然先生自罷官後寓居京師闢小軒日坐其中以丹黃自娛寒暑靡輟又幾十年所爲四史補注及日札諸書皆成於其時似天之位置先生有夙定者余以歎先生不早自知其無與於功名不得壹志於學問之王祭酒年譜卷中

三

途以大昌其箸述爲可悲也然使先生老而康強爵位亦高當

國家承平旣未必別有表見而併此十年心力亦銷磨於仕宦不暇專致之學問其孰爲得失識者宜有以辨之蓋先生在時余嘗持此論以慰先生而博迄今每思之未嘗不爲先生幸也先生於歷代詩家靡不抉精洞奧故其爲詩奄有眾妙要以義山劍南爲歸晚遭困蹇轉造平淡蓋所得益深矣日札博綜兼搜尤詳掌故其文詞皆清絕可喜而於

駢體文義法尤精嘗曰吾師胡稚威之博而不取

其僻愛洪稚存之雋而不學其纖自命如此曾文
正亟推其能四十以前積橐盈寸先生南歸時家
人在都鬻書自給誤售之存裁卅餘篇今又僅見
其半余旣刊之十家駢文中矣文字之厄如此豈
亦有數存也悲夫四史補注先生自刊於京師今
已別行此外奏疏應奉文字若干卷尺牘若干卷
攷訂金石題跋書畫之文裒集未刊者尙數十卷
待椿圃他日成之云 又刊南菁書院叢書成序
云光緒戊子秋余刊

皇清經解續編成時試事旣畢還暨陽候代檢舊藏及
王祭酒年譜

卷中

三

近得之書裨益藝文者尙數十種遂以餘力促召
梓人刊爲叢書

國朝儒碩朋興纂著之盛實能洞達闡奧修起廢墜
大之經箋史注曠隆往代卽旁逮諸子雜家靡不
疏通證明底於精善雖其間學人所得大小醇駁
各有不同然前明空疏淺陋之風庶乎滌蕩盡矣
中興而後斯道益章海內人士咸知崇厲實學以空腹

高談爲恥視乾嘉之際執漢宋學斷斷相辨論者
固不侔矣聞道而大笑積久而後信亦必然之理
也當此之時苟有資於學問之書亟取而公諸天

下傳之久遠宏益儒者之見聞仰贊

聖朝之文治豈非士大夫維持世教者之責與自來叢書之刻多雜廁前代或汎及詞章茲編專錄

國朝非有裨考訂者不入書分八集皆可喜可觀予未及搜採者又屬吾友院長繆筱珊編修賡續成之板存南菁書院因以名其書四五集則院中高材生所撰述多士觀覽興起尙益覃精術業偕登於作者之林是予所深望也 余按歲科兩試所得佳文刊爲清嘉集初二三編復選嘉慶以來名人時義刊爲江左制義輯存序云督學者於士子

王祭酒年譜

卷中

三

之文三年而兩試第其高下而操其進退至切近矣然方其莅官也於庠序之教可以堅明約束至士子爲文之方與吾之所以取士不能言也歲科試畢例進士於庭勸以修己爲學之道於文亦間及之須臾之告誡不足轉移風氣亦明矣抑匪特此也三年試於其鄉眾競於圓美輒熟之文以冀試官之一當不則其父兄交游羣訾病之苟獲選矣則詫爲奇遇而人亦弗能盡知也爲督學者誠愛重其士而冀其成名孰肯驅而反之於古而俾其取戾於時者文之變殆靡所終極乎余自視學

吳中按試諸府州得佳文輒刊布爲多士式既有清嘉三編之選矣思稍進之復輯是編常熟張君瑛邃於文因委重焉余覆加增損自嘉慶以來迄於今都若干人弗及知者闕焉文若干首皆醇雅有根柢可觀覽夫惟其不專求工於文故其工如此也諸作者大半獲登於甲乙科暨余頃嘗拔高等然則鼓琴於深山蓺蘭於幽谷而謂世必無聞見之者其說誣矣是余所以進多士也
光緒十五年己丑四十八歲

王祭酒年譜

卷中

三

開缺三月二十日奉

硃批王先謙著准其開缺欽此六月築宅於省城東北隅古荷花池前十二月工竣移居之是歲七月

輯刻新化歐陽輅 澗東詩鈔二卷成序云當嘉道

之際吾楚以詩鳴資邵間者鄧湘皋歐陽澗東兩先生也湘皋年少於澗東而推服其詩甚至曾文

正公作湘皋墓表稱兩先生以詩相厲剖晰毫釐至於書問三反室極得通則互慰大歡其專精如

此故兩先生詩最有名然湘皋闡揚先達獎寵後

進交與徧天下而澗東峻牆宇少許可中歲杜門

不出爲人通介絕殊故鄧先生聲問滋章而非吾
楚人罕稱述歐陽先生者光緒中

國史館續修儒林文苑傳吾友繆筱珊編修董其事
見示文苑傳彙有鄧先生無歐陽先生初續修例
定專詩集無他經史纂著者不入杜浮濫也然如
宋大樽吳嵩梁輩皆以詩工故得列傳而筱珊未
見先生之詩亦實不知有先生其人蓋湖外文章
聲氣之睽絕久矣以先生人品之高潔學問之淵
裕今讀其詩猶想見其人而姓氏不登於延閣文
字不能播於天下士夫之日更數百年其遺集

王祭酒年譜

卷中

七

在若存若亡間吾恐楚人亦無能道及者而先生
之眞將沒矣可不惜哉先生詩凡十卷陶文毅公
以道光六年刊於淮陽沅湘耆舊集梓其三卷余
取校之互有得失因刪存爲二卷精詣之作略備
復仿阮文達公史傳集句體爲先生傳一篇刻成
並寄筱珊且用廣其流傳庶幾異日海內稱詩者
或不終沒先生乎是則余區區之私望也已又集
傳云歐陽輅原名紹洛字念祖一字礪東湖南新
化人父基文字同周乾隆乙酉拔貢銓就州判以
親老乞歸授徒自給性方潔天才挺拔詩文操筆

立就爲時所重寶慶府志 早世鄧顯鶴南 輅九歲

補縣學生卽好吟詠所遇窮惡蹤迹落莫無常師

於詩若有天授家貧甚資傭力以養沅湘耆舊 博

學多通書過目終身不忘陶文毅劄 東詩鈔序乾隆甲寅舉

於鄉耆舊 頻上春官不得意南走粵北爲薊代山

海關之遊陶序 性野逸不修威儀衣履敝垢岸然公

卿大夫中劇談豪飲旁若無人人亦無與忤者後

閉門不復出躬耕奉母非力不食於人世升沈寵

辱泊如也耆舊 一時名公雅重之或不遠數千里

殷勤致禮不至簪冠草履吟嘯清泉白石間陶序 牆

王祭酒年譜 卷中 三

字白峻與人少可曾文正鄧 南豐譚光祐守寶慶

學使歛程恩澤按試至郡二人皆名宿始一出與

雙清亭之會好事者至繪爲圖府志文 垂老卜築

邑城東遁迹沈冥兀兀無其語者李洽夜談 其詩

灑氣流轉含章內映精思壯采搏結無迹沈道寬 東集

跋 語然持律矜嚴鄧墓 嘗言作詩務苦吟戒自恕或

屢改而不安則竟削之又云作詩當自寫其胸中

之天不期而與古合所謂非有受於人忽自得之

今人過一地遇一人必作一詩豈吾胸中之詩哉

既挾所業出與天下士大夫接所至折服名流少

能頡頏

者舊集序

與寶山毛嶽生東鄉吳嵩梁相知善

嵩梁詩才罕匹嘗謂人曰僕畏礪東不敢與敵也

臨川樂鈞未識輅寄贈以詩錢塘吳清鵬以詩求

論定稱輅為韓蘇而後一人服膺如此

夜談追錄

同邑

訓導鄧顯鶴少輅十歲兄事之

者舊集序

每有篇什輒

就輅與相違覆

鄧墓表

輅鉤覈瑕疵不少寬假顯鶴

卒無以易其言也

者舊集序

道光二十一年卒

據夜談追錄李

序年七十五

府志

著有礪東詩鈔十卷安化陶澍刊

行之

陶序

又手定詩三卷畀顯鶴顯鶴為刻之沅湘

者舊集

者舊集序

輅於詩窮極幽微偶有論斷必求通

王祭酒年譜

卷中

三

古人之詞較其得失析其毫釐多人所未發同邑

舉人李洽筆存之為夜談追錄二卷

郭嵩燾夜談追錄序子

棻字迪來邑廩生

者舊集序

亦能詩

府志文學傳

奇情幽思

不愧名父之子

者舊集序

又有歐子三卷恢奇俶詭

早卒顯鶴刻其詩入資江沅湘兩耆舊集中

者舊集序

又五月輯刻劉

開

孟塗董

基誠

子詵董

祜誠

方

立方

履箋

彥聞梅

曾亮

伯言傅

桐

味琴周

壽昌

自

菴王

閻運

王秋趙

銘

桐蓀李

慈銘

恣伯十家四六

文鈔成序云夫今樂前陳而賢侯忘倦流微間雜

則和人彌寡文章道歧何莫不然是以學美者侈

繁博才高者喜馳騁往往詞豐意瘠情竭文浮奇
詭競鳴觀聽彌眩軌轍不修風會斯靡故駢散二
體厥失雜均而駢之爲累尤劇於散或迺仲宣體
弱不起其文休文調律反甚其弊蕃蕪塞涂罕見
枝幹之挺平原埃積逸無川岳之秀主文客氣玉
貌蓬心論者遂諭蝸蟻以齊梁伍俳優於皋朔病
至此乎嘻其過矣夫詞以理舉肉緣骨附無骨之
肉不能運其精神寡理之詞何以發其韻采體之
不尊道由自敝余曩類纂古文賡續惜抱既念駢
儷一道作者代出無愆古人而標幟弗章聲響將
闕故復採榦遺集求珠時髦不使西河侯君失文
漢代東海何生闕美蕭選蔚宗述悼於莫知表聖
纏恨於既往都爲一集共得十人網羅眾家竊附
全椒之例推求正宗或肖南城之心庶幾體則不
廢江河導其古流光景常新日月並爲靈物云耳
光緒十六年庚寅四十九歲

主講思賢講舍先是淮南北鹽局以曾文正公規

復淮綱湘人受惠者尤多相與鳩貲建祠於省城

小吳門正街前任兵部侍郎郭嵩壽筠仙前輩建

議於祠旁爲思賢講舍聚徒課學申景行之慕兼

祀王夫之船山先生本主其中侍郎主講數年及
余歸迺固以相讓余勉應之因商定於齟務公所
歲釀六白金就講舍設局刊書是爲湘省思賢書
局之始 是歲輯刻孫鼎臣芝房周壽昌自菴李

洽舜卿王

閩運

壬秋張

祖同

兩珊杜

貴堦

仲丹六

家詞鈔六卷成余爲題摸魚兒云夢遊仙步虛天
遠聯翩秦女煙霧遺聲散作人間曲依約彩旂畱
駐新按譜試賭唱旗亭儘讓雙鬢度從今樂府說
水皺風吹雲微山抹都是錦囊句 眞堪笑老我
儒冠不誤平生文字知故鄉嫿曾記當年到教作

王祭酒年譜

卷中

天

掌書都護緣可悟便綺語消磨也勝閒情緒前身
印取問佳到秦黃干卿甚事徒步海鹽路又序云
先謙少嗜吟詠顧弗習倚聲偶涉筆非所好也官
京師時從周自菴先生遊先生晚病廢不能多治
書暇輒作小詞強先謙與酬答嘗語先謙吾詞不
主故常用自娛而已然清妙處自謂不減宋人因
言道咸間與孫芝房侍讀李舜卿孝廉諸人爲文
字飲每舜卿一詞出芝房及余皆歛手歎服芝房
歸卒舜卿以盲廢且死三十年無此樂矣芝房遺
集刻於湘中惜舜卿詞無傳本子盍求之先謙心

識不敢忘張雨珊曰吾於鄉先輩詞最推舜卿先生近人中服膺者王壬秋杜仲丹其尤也雨珊每入都必以近作詞示先謙未嘗不工先謙既解官歸雨珊過從逾密索其詞視前所見且倍蓋生平於此尤專精云芝房先生與雨珊姻也雨珊訪諸其家又得其未刻詞數首貽先謙壬秋仲丹適在長沙先謙又皆求其詞讀之李君筱屏亦自新化以舜卿先生詞至先謙因丐雨珊選自菴先生詞尤佳者都六家爲一集刊之聞見所未及則俟他日采補焉昔新安孫默輯王漁洋以次十五家詞

王祭酒年譜

卷中

五

自三家六家遞增閱十四年而後成先謙此刻猶默意也雨珊言向不識仲丹巴陵逆旅中聞人誦新詞詢知爲仲丹作遂往見訂交又言吾多識海內詞人異時必助子訪求成巨集嗚呼若雨珊可謂篤於好善矣筱屏名慶曾舜卿先生從孫 又

選刊同邑毛

國翰

青垣詩鈔成序云余鈔礪東詩

畢一日張雨珊孝廉過余曰吾邑有詩人毛青垣先生子豈未之知邪吾觀數十年中鄉先輩抗志希古得杜詩骨法爲多無若先生者昔裕莊毅爲

刊之鄂中而傳本絕少吾爲子求之旣而以書寄

示讀之心歎其工信兩珊言不妄復丐兩珊訪求
其後人得所藏家傳於先生行實略備蓋先生負
瑰異之才卒困場屋窮老湖湘中無能發抒意氣
殫精敝神從事聲律以爭千載後寂寞不可知之
名可謂遇艱而志苦者也然當時鄉人罕有稱道
先生者觀家傳所述陳公子沆招不往及爲沈道
寬走數百里稱貸免禍事意先生以樸誠剛介之
姿睥睨濁世宜不爲流俗人所喜故雖其詩之工
亦無能知而好之使垂老不遇莊毅則先生之詩
與其爲人俱泯滅矣余因以歎天下學人志士身

王祭酒年譜

卷中

三

不顯而名長湮者古今何可勝道如先生不可謂
不幸也余懼其詩久而失傳約取精粹之作刊爲
一卷最家傳及莊毅諸公詩序語爲傳附焉余聞
先達言莊毅自湖南巡撫擢督兩湖吾鄉學行尤
異者自鄧湘皋先生以次咸被敬禮後進一藝之
長必容接而獎成之一時人才蒸蒸皆出門下今
觀所爲先生詩序情意懇至而學識足以及之非
徒假好士爲名高者也嗚呼公卿大夫中烏可無
斯人哉又集傳云毛國翰字大宗號青垣湖南長
沙人性純孝幼讀書穎悟強記能聞誦佩文韻府

不遺一字尤工詩赴縣試見知於縣令陳光照其
子沈奇國翰文願內交招之不往親至其家結歡
而去補縣學生鄉試屢黜毛氏家傳長沙城北有黑麋

峰水西南流入於湖其水會謂之麋湖口國翰卜

宅當山水間因名之曰麋園屏居其中益肆力於

詩以抒其侘傺無聊往往多幽憂之思悽苦之響

長白裕莊毅公麋園詩鈔序

與鄴沈道寬爲文字交道寬宰

鄆縣聘國翰教其子十餘年道寬權知茶陵州虧

帑數千金被劾勒追國翰赴鄆稱貸人以道寬廉

惠又見國翰勇於爲義咸感奮競運致錢穀不一

王祭酒年譜 卷中

月而集事道寬得復官走謝國翰曰公澤在鄆邑

人急父母之難吾何力之有家傳湖廣總督裕泰招

致莫府數年道光二十六年丙午以微疾沒於署

年七十五參裕序及家傳著有麋園詩鈔八卷天顯紀事

三十二卷青湘樓傳奇若干卷家傳其詩五古清越

醇雅出入陶謝江鮑間七古雄盪有奇氣約束矜

貴不涉奔放近體步唐賢無沾濫之音佻縟之氣

新建夏廷楨麋園詩序

裕泰旣經紀其喪歸葬長沙復編梓

其詩序之曰國翰爲詩鑿心研神朝吟而夕琢月

成而歲易人知好與否舉弗顧可謂勤篤者也集

中如松徑含風雨，秋山見性情。巖花畱雨色，風絮落春陰。獨往吟詩對，修竹同來入。坐惟秋岑楚，蜀地形江口。斷乾坤秋色，雨邊來諸聯。最爲傑出他類此者，尙多夫。觀詩如遊山澤，卽以楚論衡山洞庭之高深，人不待遊而知之。而麋峰麋湖介在其間，有侷侷自異者，又非善游者不知也。余故用李中碧雲集序例，摘佳句著之簡端，爲讀麋園詩者導先路云。

裕序

光緒十七年辛卯五十歲

主講思賢講舍二月城南書院院長王楷雁峰前

王祭酒年譜

卷中

三

輩病故地方大吏再三聘請，遂移主城南辭思賢

薦楊

書霖

商農孝廉自代

是歲五月刊荀子集

解成自爲序例云：昔唐韓愈氏以荀子書爲大醇

小疵，逮宋攻者益眾，推其由以言性惡，故余謂性

惡之說非荀子本意也。其言曰：直木不待斲栝而

直者，其性直也。枸木必待礪栝，烝矯然後直者，以

其性不直也。今人性惡，必待聖王之治禮義之化

然後皆出於治，合於善也。夫使荀子而不知人性

有善惡，則不知木性有枸直矣。然而其言如此，豈

眞不知性邪？余因以悲荀子遭世大亂，民胥泯焚

感激而出此也荀子論學論治皆以禮爲宗反復推詳務明其指趣爲千古修道立教所莫能外其曰倫類不通不足謂善學又曰一物失稱亂之端也探聖門一貫之精洞古今成敗之故議論不越几席而思慮浹於無垠身未嘗一日加民而行事可信其放推而皆準而刻覈之徒詆謫橫生擯之不得與於斯道余又以悲荀子術不用於當時而名滅裂於後世流俗人之口爲重屈也

國朝儒學昌明

欽定四庫全書提要首列荀子儒家斥好惡之詞通訓

王祭酒年譜

卷中

三

詁之誼定論昭然學者始知崇尚顧其書僅有楊倞注未爲盡善近世通行嘉善謝氏校本去取亦時有疏舛宿儒大師多所匡益家居少事輒旁求諸家之說爲荀子集解一書管窺所及間亦附載不敢謂於荀書精意有所發明而於析楊謝之疑辭酌宋元之定本庶幾不無一得刻成謹弁言簡端竝揭荀子箸書之微旨與後來讀者共證明之云嘉善謝氏校本首謝序

見攷證

次楊序及新目

錄

今照

次荀子讎校所據舊本竝參訂名氏

影鈔大字

宋本元刻纂圖互註本此乃當時坊間所傳以臆宋本校之故其本頗明虞氏王氏合校刻本明

世德堂本明鍾人傑本前翻江陰趙巖明敬夫金壇段玉裁若膺海甯吳騫槎客吳縣朱奩文游江都汪中容夫餘姚盧文弼紹弓嘉善謝墀金圃輯校以別於楊氏之注其引用各書不具列

錢大昕跋見考校勘補遺一卷案此書盧謝同校

故郝蘭皋稱謝王懷祖稱盧但謝序云援引校讎

悉出抱經參互攷證遂得蕝事是此書元出於盧

參攷刊行迺由謝氏則稱盧校本者為是盧所據

大字宋本為北宋呂夏卿熙甯中所刊然未見呂

刻本僅取朱文游所藏影鈔本相校故間有為影

鈔訛字所誤者修身王霸兩篇注可證也茲刻仍

以盧校為主依謝刻於楊注外增一圓圖全錄校

王祭酒年譜 卷中

注加盧文弼曰四字別之據徐序錢跋校注亦有出謝手者然無可區別

其補遺一卷散入注中盧校不主一本茲亦仿其

例擇善而從 虞王合校本明虞九章王震亨校

為盧據舊本之一其引見書中者止王霸篇大有

天下小有一國注文茲覆檢元書尚有可采為增

入數條此外正文及注歧異滋繁當由傳寫致訛

或係以意刪節多與盧氏所云俗間本相合既非

所取證不復稱引 宋台州本宋唐仲友與政刊

於台州即依呂本重刻遵義黎庶昌蕝齋於日本

得影摹本重刊為古逸叢書之一首楊序及新目

錄末劉向上言及王呂重校銜名與今熙甯元年本同

國子監劄子官銜淳熙八年唐序經籍訪古志二

跋重刊楊跋俱見攷證此卽困學紀聞所稱今監本乃

唐與政台州所刊熙甯舊本亦未爲善者也然在

今日爲希見之本茲取以相校得若干條列入注

文其與呂本相同如一卷取藍干越之比竝不復

出以省繁文至其顯然訛誤雖與呂歧出亦無所

取 棲霞郝氏懿行荀子補注上下卷末附與王

侍郎論孫卿與李比部論楊倬二書竝見攷證茲全採

入注 高郵王氏念孫雜志八校荀子八卷係據

王祭酒年譜 卷中 五

盧本加案語用錢佃江西漕司本龔士高荀子句

解本明世德堂本參校嗣得元和顧千里澗蕢手

錄呂錢二本異同復爲補遺一卷敘而行之坵荀

子佚文及顧氏考訂各條於末敘佚文竝見攷證其中如

劉台拱端臨汪中容夫陳奐碩甫諸家之說蒐討

綦詳而盧校郝注之精者亦附錄焉茲取王氏各

條散入注文劉汪陳顧諸說仍各冠姓氏於首

德清俞氏樾諸子平議十二之十五荀子平議四

卷全採入注近儒之說亦坵著之攷證上下篇見本書卷首文繁

不 又三月校刻世說新語成序云晁子止曰小

說之來尚矣不過志夢卜紀譎怪記談諧後史臣
務采異聞往往取之故爲小說者多及人善惡肆
喜怒之私變是非之實以誤後世識者以爲篤論
自余觀之非盡爲書者有心之過也采摭所及見
少聞多而其言變矣詞氣抑揚聲情乖隔而其言
又變矣能祛此二蔽者蓋難言之此小說所以少
佳書也余嘗怪臨川爲世說新語一書彼其時去
魏晉未遠固宜紀載得實而秉筆不慎事實抵牾
致爲劉子元輩所譏蓋不免如余所稱二蔽若其
羅前代之軼聞供詞人之藻繪則游心文苑者所

王祭酒年譜

卷中

美

不廢也劉注匡弼之功尤爲此書增重而唐人修
晉書如周安東求絡秀爲妾韓壽私賈充女之類
經孝標糾正者猶取入傳何其迷謬者與桓靈竇
殷仲文亂賊之徒言行無足稱述而書中稱舉至
於再四良以其時篡奪相仍綱常廢墜不復知忠
義爲何說此難以責之臨川又豈孝標所敢舉正
者哉近世通行王元美世說新語補本刪節元書
附以何氏語林全失臨川之真余因取元書重刊
貽同好者覽焉元美序言世說所長造微單辭微
巧隻行因美見風因刺通贊使人短詠而躍然長

思而未罄可謂盡其妙矣又云私心好之每讀輒
患其易竟夫既患其易竟矣而又刪之噫嘻是則
明人之爲學也已矣去古益遠往籍日湮如是書
之存抑其幸也又爲校勘小識云世說用浦江周
氏紛欣閣本乃仿刻明嘉靖吳郡袁氏本也然亦
多舛誤用各本讎勘得數十則凡紛欣本誤而各
本是及義可兩存與各本誤而非辨正不明者皆
載焉餘不悉記以省繁文至若束皙系出二疏而
受氏有去疏足之說雅量類苻堅字從草付而改姓
稱應符命之祥識鑒類良以文字襲譌傳聞失審凡

王祭酒年譜

卷中

三

此之類由來已久不在糾舉之列焉又爲校勘小
識補云世說新語宋槧不可得存者惟明袁褰仿
宋而已明人刻書最好點竄刪併此則一仍宋舊
良可寶貴書中頗多古字如修之作脩寢之作寢
流之作汙烹之作亨熟之作孰烈之作列乃之作
迺姊之作姊鬢之作須厚之作屨無之作无著之
作箸傭之作庸齋之作齊退之作退戮之作勳牯
之作牯後來紛欣閣惜陰軒諸本皆紛紛改易矣
局刻此書初無袁本因以周本付刊繼得一本多與

袁本合卽前所稱一本是及世說補本始知周脫誤不及盡檢

也光緒癸巳從子友湘潭葉煥彬銓部假得袁本擬將局刻剞換繼思局刻出於周周刻出於袁以穆易昭轉多扞格且袁本不必盡是周本不必盡非又劉注原文亦多脫落因與葉君商榷葉君迺舉袁本與周本對勘復以國志晉書宋書及書鈔類聚御覽各類書兩相比決擇善而從補爲小識付之梓人以待讀者之抉擇既不蹈汲古剞補之陋習亦不類書帕謬種之相仍而浦江刊校之功亦不至盡泯云 又十一月校刊鹽鐵論成爲後序云漢書田千秋傳言昭帝世國家少事百姓稍

王祭酒年譜

卷中

五

益充實始元六年詔郡國舉賢良文學士問以民所疾苦於是鹽鐵之議起觀班氏爲傳載大將軍霍光乞千秋教督千秋終不肯有所言而於贊復引桓氏雜論車丞相當軸處中容身而去之語以終之其微意可覩矣以千秋名德見推重大將軍而勤惜民隱之悃又自大將軍出得千秋一言鹽鐵酒榷均輸可悉罷也阿附同列取譏後世惜哉桑大夫用心計得幸躡居輔道之位故絀仲尼而崇商鞅鄙原顏而慕蘇張亦當時大道不明學術不一之咎也至乃夸其籌策之積致富成業鄙哉

可與事君乎賢良文學之義正矣若其言不禁刀
幣聽民放鑄俾其人主操柄與二賈諫詞相戾至
謂加德施惠北夷必內向款塞斯迂闊不達事情
之論也夫所謂以德服人者有力而不輕用力之
謂也苟無力則德無由見而人奚自服書曰大國
畏其力力非聖王所諱言武帝之失在於內多欲
而急興利至其詰戎固圉未嘗非也是故有鬼方
之克迺致氏羌之王非衛霍之師必無渭橋之謁
儒生之議苟其不在當局履全盛則戒用兵處積
弱則思奮武救弊補偏取相警厲而已至於國家

大政斟酌損益發慮於深宮擇善於邇邇而使草
野新進與二三大臣爭詬於朝堂抑豈所以崇國
體式方來乎重刊是書竟因備論其時事得失如
此桓氏屬文在西漢特嚴徐褚先生之匹歷世絲
遠闕誤相仍如李孟傳姚鼐輩所訾不足病也又
爲校勘小識云鹽鐵論以明宏治十四年新塗涂
楨所翻宋嘉泰本爲最善嘉靖間雲間張之象又
有注本析爲十二卷王謨漢魏叢書重刻之其書
竄易字句爲有識所譏盧文弨紹弓羣書拾補取
永樂大典所載及涂本以校張書頗有是正嘉靖

十二年陽城張敦仁古餘重刊涂本附以考證又多盧所未及暇日檢閱因以拾補考證散入正文下取便觀覽湘潭王啟原君豫胡元常子彝搜討往牒復得若干條書中稱王云者君豫說也稱胡云者子彝說也先謙覆加審定見漏義尙多略爲補釋並取唐宋類書所徵引悉心校訂別爲一卷以貽讀者古籍代微展轉益誤又義蘊闕富未易推尋涉筆知疏臨文增喟大雅宏達幸匡益之

一卷見本書卷首文繁不錄

校勘

光緒十八年壬辰五十一歲

王祭酒年譜

卷中

早

主講城南書院 是歲八月校刻郭筠仙前輩養

知書屋遺集成序云夫經綸者時也屈伸者命也

時與命相際而才顯焉不則反是吾見役志於功

名之塗以畢其生及其不遂而歿而無復有以自

見者甚多而可悲也惟魁奇傑特之士自其始爲

學時卽已靡不通究出而應世未嘗以庫小自域

而散見於楮墨者眾咸寶貴之其或卒絀於遠大

之程出其餘藝猶足頡頏千載作者自古賢達莫

不皆然吾於郭筠仙先生尤深慨焉先生當咸豐

朝卽已直

使命假歸後起爲蘇松道擢守粵撫罷官再起爲閩臬
超遷侍郎持節數萬里外之海國可云尊顯然而
德不諧其偶志不達其施履安若危齟齬沓至病
免踰十年於

國家利病民生疾苦未嘗不關懷也窺其所學未究
萬一而世俗頽敝直道不行先生亦老病且死矣
先生之文暢勇義理冥合矩度其雄直之氣追配
司馬遷韓愈殆無愧色古近體詩造意取材離絕
凡近晚年不多作縱筆偶成皆有意度評隲經史

王祭酒年譜

卷中

聖

攷訂尤精余叟從臾付梓先生曰吾姑不欲以文
人自命執不可時年已七十而意氣不衰如此歿
後詰嗣炎生等出其叢殘彙本視余遂與楊商農
孝廉次爲奏疏十二卷文集二十八卷詩集十五
卷其所撰禮記質疑諸書已別行復刺取子史中
隨筆記錄者爲養知書屋讀書記若干卷先生自
少精力絕人論箸甚富卽余所曾見詩文書牘於
友朋家者今其彙皆不可得蓋先生一生蹤迹無
定又懶不自收拾故散佚若此之甚今幸存者特
緒餘耳然抑豈先生之初志也噫 又校刻李

佐周畹蘭齋文集成序云天下之至樂莫如得朋
東漢之氣節宋明之道學友誼稱極盛然而依附
聲景標榜門戶爲不少矣夸毗之徒薄文藝爲不
足道而篤實如曾子必曰君子以文會友何邪蓋
文之爲道與性情通必其人有通博之才真摯之
氣堅特之行若虛若無之心然後可以同道而相
益四者一不具不足以言文友雖文與時遞變其
爲會友之達道無古今一也非是則終歸於慕悅
徵逐而已李君佐周長余一歲自幼同學相愛好
稍長各以飢驅出走十數年不相聞而特聞其古

王祭酒年譜

卷中

望

文之學冠絕時輩壬午歲余歸相見長沙各出所
業相質情誼視疇昔逾密再歸又加密焉每作文
不得佐周定之心不釋佐周爲文其待余定而後
快亦若余之於佐周也佐周性耿介不諧俗顧獨
暱就余余文不逮佐周遠甚而佐周以爲可以入
道得其一言稱許輒數日喜佐周之文導源龍門
其峻潔在昌黎半山之間不輕視人人亦鮮真知
之者今年春病幾死余再四索其文彙出之敝篋
曰子姑弄之余亟付剞劂佐周病小愈索彙靳不
與其文遂行世佐周善古近體詩然不多作尤工

時文甫三十絕意進取竟以歲貢生老人咸惜之而佐周夷然不屑讀其文可以知其自命矣 又七月刊合校水經注四十卷成爲序例云少時讀漢書地理志驚歎以爲絕作惜其上溯古蹟旁羅水道宏綱已舉細目未賅雖爲書之體固然而於探奇耆古之懷猶歉然弗愜也嗣讀酈善長水經注深美其用意足輔班氏所不逮蓋班之志水撮舉始終而所過之地從略酈則於漢世郡縣端委并包曲折貫串旁引支流以千數百計使後之接渠訪瀆者一展卷而如案古圖書班之志地根據

經籍俾三代以來之要典不至放失無稽酈尤因地致詳元魏以上故事舊文皆可攷求而得實其繁簡雖異精思實同洵乎閱覽之山淵方輿之鍵轄也已夫地無古不立水非地不章酈氏爲書之指在因水以證地而卽地以存古是故遷貿畢陳故實駢列世或訾其好奇騁博及視爲詞章所取資雖謂於地理之學概未有聞焉可也今非無顯疏水道之書以校彼優絀果何如哉余耽此三十年足跡所至必以自隨考按志乘稽合源流依注

繪圖參列今地兼思補證各史關涉水地事蹟及

經注未備各水爲之作疏人事牽率懼不獲卒償
斯願曾用官校宋本參合諸家輯爲一編久藏篋
笥先授梓人以質海內之好讀是書者而推論其
要義如此至合校之微意則備具例略中 一校
官本 四庫提要稱
官校宋本 乾隆中袁集永樂大典就所引
水經注排比原文鉤稽近本

武英殿聚珍板印行其後蘇州福建皆有刊本茲取
用互校與朱趙同者列爲正文而雙行標注異文
於下以祛歧惑當時校上此書出戴震東原之手
戴氏號稱究心鄴亭之學自有刊本行世預修

王祭酒年譜 卷中

器

四庫全書以乾隆三十九年校上此本 見官本
案語 而趙

氏之書先成於乾隆十九年 見趙本
自序 至五十一年

丙午始謀鋟板 見趙本
畢序 其流布反在官本之後世

罕覲大典元文見戴校與趙悉合疑爲弋取然

聖明在上忠正盈廷安得有此事且書中增補刪改多至

七千餘字既著之案語中其訂正各條明注本文

之下並非盡出大典是纂修時或旁攷羣書或獨

伸己見亦未嘗隱而不言也趙氏覃精極思旁搜

廣證合契古籍情理宜然特以數十年考訂苦心

一旦爲中祕書所掩因之俗論滋紛今於官本案

語下並列趙氏所釋及刊誤各條俾讀者知

右文盛世祕籍應運而呈奇而鴻生稽古之功亦不至

聽其湮沒庶因兩美之合以釋千載之疑諸家聚

訟若段玉裁茂堂

見經韻樓集

魏源默深

見周壽昌思益堂日札

張穆石舟

見近刻全校水經注附錄中兼言畢秋帆尚書索趙書於一清子載元載元恐

父書不當畢意以巨貲購謝山本合併修飾此則過信無稽不通情理之言殊為無識

各執

一詞存而不論可也

一校朱本明中尉朱謀璋

鬱儀所箋趙氏本之以作刊誤者也朱氏之前水

經注本著稱者有二一黃省曾刻於嘉靖甲午一

吳瑄刻於萬曆乙酉朱氏復與其友謝耳伯孫無

王祭酒年譜卷中

星

撓輩商榷校讎以成此書萬曆乙卯齊安李長庚

序而刻之崇禎己巳竟陵譚元春鍾惺等加以評

點重刻之所載箋語頗有異同至趙氏稱真州鏤

板竊朱箋為己有者

見趙附錄

今未得見有新安歙西

黃晟曉峰者於乾隆十八年癸酉刻水經注前列

歐陽

玄黃省曾

世懋

朱璋

李庚

五序

文皆見趙附錄

自跋云

爰取舊本重為校刊而不著其何本書中校語大

氏與朱箋合豈即趙所稱耶自來論朱箋者褒貶

互見其攷訂誠為未精然引證故實以輔注文厥

勞甚鉅黃梨洲嘗其無所發明未為確論近因戴

趙啟爭疑議遽起至有謂朱箋尙存眞面遠勝二
家改訂者此則全未讀書之言也今於趙氏刊誤
所引外全錄箋語以資蒐討譚黃二本所載容有
他人屢入者不復加以區別矣 一校趙本趙讀
酈書首爲之釋列於卷中存朱氏之是弼酈亭之
違其朱箋謬者削之漏者補之別爲刊誤十二卷
今併散入正文下俾讀者開卷瞭如易於尋究酈
注字分大小發自全氏而趙因之條理分明茲特
參用其例家藏本冊面題籤水經注釋大字卷集
之某小字後十二卷
水經注朱箋刊誤大
字卷某之某小字 刻畫精善極爲我友繆筱珊

王祭酒年譜 卷中

吳

朱蓉生兩太史所鑒賞眞最初本也別有舊藏一
部字句增損竄易往往同符官本蓋出後來刊改

頗失趙書面目故茲校一以初本爲主惟八卷濟
水篇有漢

司隸校尉魯恭冢下釋曰金石錄跋尾云魯峻碑
其他云云改曰金石錄魯峻碑跋尾云嘗得石室
所刻畫象與延之所記合其他云云增多十四字
又文字分別下釋曰一勝鈴下二字三十餘騎刪
二字兩字後有駙馬二匹勝曰持駙馬刪勝曰持
駙馬及下又字次橫勝曰薦士一人刪勝曰二字
又駙史僕射二騎刪又字蓋闕里之先賢也字而
不名刪字而不名四字與史家異同轍二字不能
次以爲兩魯根史記作申史家語作申續檀弓以
申詳爲顓孫子張之轍之地云云刪上缺二字三
字移家不能次以爲兩於地字之上客拜侍於前
後者六人侍者四人並刪人字皆駕以一馬刪以
字鮮明奉上增有字朱浮墓畫象墓下增壁字十
六卷穀水篇世謂之紆麻欄下釋曰此句是善長

所增加改曰此句是連引郭璞注三十八卷資水篇縣故昭陵也下釋曰漢表作洛陽今湖南寶慶府東北五里有洛陽山蓋以侯封得名卽前漢之昭陵云云改曰漢表作路陵路洛古通借校獵賦虎路三變晉灼曰路音洛然疑史漢表誤昭陵云云此四條有裨考訂附記於此刊誤間有增改無關要義

不錄

至若猶爲由邪爲耶已爲以克爲剋侵爲

寢升爲昇德爲惠懷爲襄隙爲隙累爲累臘爲臘

喜爲憲懸爲縣雝爲雍燕爲鸞蛇爲虵獠爲獠藉

爲蕩綠爲淥虛爲墟野爲壑淀爲澱嶺爲嶺岫爲

隅岡爲罌墜爲磴崖爲厓嶂爲障嶂爲岷洛爲雒

沈爲充溜爲菑滹沱爲滹池瑯琊爲琅邪險阻爲

嶮岨或本同字或由假借如此之類卷中不能悉

王祭酒年譜

卷中

畧

出標舉首簡以備參稽 一校孫本孫星衍伯淵

所手校桐城蕭穆敬甫聞余校勘水經持以相餉

末卷孫氏自記略云水經向無善本予驟讀之便

知經注錯亂以意定之嗣以唐人引此書若史記

索隱正義文選注藝文類聚初學記元和郡縣志

校之得休甯戴東原本多與鄙意相合復是正數

十條其與戴不同者不敢附和也顧千里跋云伯

淵觀察於此書用功甚深晚年對客猶能稱引淵

翻不須持本手校丹青滿紙中多與戴東原氏異

說尤可資考察道光四年閏月觀於桐城汪君均

之插架爲識其後今觀所校亦不能盡如其說其引證今地極便考覽世無傳本悉登之以備一家漢志乃人人能讀之書繁稱無當不備載焉

參校各家善長一序大典僅存餘姚盧文昭紹弓用武進臧氏所得絳雲樓舊藏宋本校之頗有奇異刊見羣書拾補中茲標注官本原序下陽湖董祐誠方立研精艸書著圖說四卷未竟而歿其兄基誠取其說刊入遺書而圖遂佚茲全錄入注此外如武進丁履恆游水疏證謝鍾英洛涇二水補亦備采之近世爲水經之學者江甯汪士鐸水經

王祭酒年譜

卷中

吳

注圖精思密致經緯釐然亦頗有譌誤惜其不及參繪今地未爲盡善全氏七校水經注晚出泐中慈谿林頤山晉霞斥其偽造抉摘罅漏至數十事頃歲刊行茲編一字不敢闕入 一是編輯成久未付梓長沙張祖同兩珊謂可公諸同好遂用局錢刊行平江蘇海淵泉長沙王先慎惠英實助讎校蘇君匡正之力尤多時閱一期紙勞十返自慚獨學衰白無成敢居汗簡之名永志他山之美

光緒十九年癸巳五十二歲

主講城南書院 是歲五月輯刻巴陵吳 敏樹南

屏粹湖文集成序云巴陵吳南屏先生嘗自刊所
爲文曰粹湖錄者歿後二十年思賢書局鳩貲重
刻先謙獲與校讎之役迺爲蒐補散佚得文如千
兩篇爲卷十二而謹序其端曰自咸豐軍興楚材輩
奮而曾文正左文襄爲之魁士之有志名業者莫
不走軍壘依倚取通顯先生與二公交密終身未
嘗有所求請文正欲寄以幕府之任卒謝不往以
舉人

大挑司鐸瀏陽意有不合卽自免去博觀載籍洞悉
精微而於古人爲文之道孤往冥會意量淵然常
王祭酒年譜卷中 吳

有以自得者嘗往來岳州城南白鶴山之呂仙亭
君山之九江樓寓居累月經時樂而忘返天容水
色晴暈雨夕千態萬狀奔赴几席時或扶筇而行
揄竿而釣皆以發其筆墨之趣所寄愈遠而文亦
愈高矣始居京師以文見推於梅郎中曾亮時梅
先生方以桐城文派之說啟導後進其言由

國朝姚劉方三君上溯明歸震川氏以嗣音唐宋爲
古文正宗先生願謂文必得力於古書不當建一
先生之言以自隘其後曾公爲文敘述文派稱引
及先生遂與友人書極論之所以自別異甚力蓋

先生之文詞高體潔實能自進於古而世俗尋聲
逐影之說無所係於其心故觀其爲文與其人之
生平足以壯獨行之胸而激懦夫之氣可不謂卓
然雄俊君子與吾楚近日功名之塗日開而山林
遺逸世或罕能畱意敘斯集而傳之使知如先生
之全於天者尤可貴也梓湖者洞庭支流所入俗
狀而呼之曰銅梓湖水經湘水注所稱同梓口也
先生居與近因自號梓湖漁叟云

光緒二十年甲午五十三歲

主講嶽麓書院

王祭酒年譜

卷中

辛

光緒二十一年乙未五十四歲

主講嶽麓書院

光緒二十二年丙申五十五歲

主講嶽麓書院 是歲五月刻葵園校士錄存成

序云葵園校士錄存者從弟先慎與及門諸子衷

三省鄉墨兩同門錄及吳中清嘉三集選輯合刊

者也溯余通籍以來凡五與試差之考而三省

試再校禮闈光緒乙酉奉

命督學江南以未與考得之駑劣小臣蒙被

異數忝竊甚矣迨戊子告歸七八年間養疴里閭因循

坐廢乙未倭人不靖邊事大壞二三豪俊瞋目扼腕太息於國之無良富強之不亟講相與歸咎制藝無用之學思一掃刮絕余弟輩復何取於前此歷試之文而錄之存之也哉雖然

國朝功令以時文取士二百數十年名臣碩儒駢出其中至今日以無人無學爲時文罪則亦有未盡然者且夫文之爲體不一靡不有初有因歷千載而一致今將使工制器而命之曰爾其舍所爲方員平直之具務單精騁思取象於手則超般與扁殆非善誨之大匠也時文一小技廢而廢耳若制

王祭酒年譜

卷中

至

科一日不變法固自有程式在今談文者方且離凡近而索高言捐繩尺以求奇士才賢未必俛而就徒使數學之事失所憑依人心滋不靖道亦日敝矣豈扶世翼教之君子而忍出此余於時文無能爲役然每與試事兢兢致慎不敢別立宗旨好尙詭異幸免取譏當世明哲而所得魁奇通博之士亦往往而有猶憶甲戌分校繆筱珊編修李純客朱蓉生兩侍御趙桐孫太守卷並出余房力薦未售同人詫余此四君獲雋足冠一榜余時亦頗自負文章聲氣之微其果冥合符契有非盡出於

適然者邪而世俗徒泥文句求之抑又慎矣刻既成書數語簡端葵園者余歸里後所築居遂自號也

光緒二十三年丁酉五十六歲

主講嶽麓書院

光緒二十四年戊戌五十七歲

主講嶽麓書院 時工部主事南海康有爲以變

法自強之說聳動海內朝野多爲所惑翁叔平尙

書保薦有勝臣十倍之語一時靡然從風識者心

鄙其人然不悟其有逆謀也陳右銘中丞

寶箴

莅

王祭酒年譜

卷中

五

任湖南余素識也向以志節自負於地方政務亦

思有所振興會嘉應黃遵憲來爲鹽法長寶道與

中丞子三立庶常熊希齡合謀延有爲弟子梁啟

超爲新設學堂總教習江標徐仁鑄相繼爲學政

學會報館同時並興民權平等之說一時宣揚都

徧舉國若狂學會之初立也中丞邀余偕往聽講

者亦多中丞升座首舉有恥立志四字爲言聞者

洒然動容其後余以事尙不能再往宣講登報愈

出愈新余始駭詫葉奩彬吏部

德輝

以學堂教習

評語見示悖逆語連篇累牘乃知其志在謀逆嶽

麓齋長賓鳳陽等復具稟附批加案請從嚴禁遏
余遂邀奩彬諸君具呈中丞珩錄齋長稟詞請整
頓屏斥以端教術中丞批詞含胡但以眾紳有門
戶意見深自引咎熊希齡及唐才常譚嗣同畢永
年諸人緣此橫目相仇極意圖陷會書院諸生公
議在學宮傳集同人商立議約釐正學術語皆醇
正並無觸犯徐學政聞之卽飭學官究明倡議主
筆之人將加懲辦余挺身獨任徐遂無言旋由時
務學堂學生呈控賓鳳陽等匿名揭帖誣讒伊等
就賓等元稟添砌多語撫學竟准訊究懲辦余函
致中丞辭館復書挽留俞廉軒中丞時爲藩司向
中丞力言因此影響之語致王某辭館有礙體面
中丞答云豈但辭館我要參他蓋其時適奉中旨
官紳阻撓新政卽行正法陳語已伏殺機而余初
未悟復函致撫學抗論兩人復信轉極委婉時已

八月初旬康有爲事敗逃竄亦自知不保也

稟呈
信函

俱載虛受堂
書札第一卷

不數日而

慈聖簾聽撫學革職之

旨至向使康有爲邪謀得遂

國事不可問余與奩彬且先落機穽矣門人蘇厚康

孝廉與爲翼教叢編若干卷於康梁造謀湖南捍
亂備詳始末亦佳書也

光緒二十五年己亥五十八歲

主講嶽麓書院

光緒二十六年庚子五十九歲

主講嶽麓書院 閏八月二十八日承繼再從弟
先泰之次子祖坤爲子自五月中山東白蓮教遺
孽以神拳惑眾假義和團練爲名戕殺天主教民
王大臣多爲所惑反以拳匪爲義民可恃禦外侮
也舉朝靡然致匪徒蔓延京都天津焚燒教堂使
館畿輔百姓橫遭燬掠爲自來未有之慘變各國
聯軍於八月自天津進犯都城

王祭酒年譜

卷中

五

乘輿西幸長安東南人心皇然湘省尤甚家人固請鄉

居余方病甚笑曰移鄉固稍安靜脫余有不測祭
奠無人尙成何景象乎於是承繼之議定 是年

二月刻漢書補注百卷成余雖病劇書不釋手中
情怫鬱捨此亦無可消遣自通籍後鑽研班書日
有所述中間雖時復作輟心光目力實專注於此

茲以兩年之力剗劂告成了此大願亦一喜也自
爲序例云自顏監注行而班書義顯卓然號爲功

臣然未發明者固多而句讀論誤解釋踏駁之處亦迭見焉良由是書義蘊宏深通貫匪易昔在東漢之世朝廷求爲其學者以馬季長一代大儒尙命伏闕下從孟堅女弟曹大家受讀卽其難可知矣宋明以來校正板本之功爲多

國朝右文興學精刊諸史海內耆古之士承流嚮風研窮班義考正注文著述美富曠隆往代但以散見諸書學者罕能通習先謙自通籍以來卽究心班書博求其義薈最編摩積有年歲都爲一集命曰漢書補注臧之篋笥時有改訂忽忽六旬炳燭

王祭酒年譜

卷中

五

餘明恐不能更有精進忘其固陋舉付梓人自顧才識駑下無以踰越古賢區區寸心頗謂盡力疏譌之咎仍懼未免匡我不逮敬俟君子 據敘例

顏監以前注本五種服虔應劭晉灼臣瓚蔡謨也

大氏晉灼於服應外增伏儼劉德鄭氏李斐李奇

鄧展文穎張揖蘇林張晏如淳孟康項昭韋昭十

四家臣瓚於晉所采外增劉寶一家顏監於五種

注本外增荀悅漢紀崔浩漢紀音義郭璞注司馬

相如傳三家

說本王鳴盛

顏注發明駁正度越曩哲非

印人鼻息者也其中或引舊文據爲己說以史記

索隱證之張蒼傳柱下方書注乃姚察說淮南王

安傳會有詔卽訊太子注乃樂產說郊祀志周始

與秦國合而別別五百載當復合注乃顏游秦說

本洪頤煊以文選李善注證之枚乘傳注隱匿謂僻處

於東南也乃韋昭說梁下屯兵方十里乃張晏說

本朱一新以詩王風譜疏證之地理志內雒邑與宗周

通封畿注乃臣瓚說舊唐書顏籀傳叔父游秦撰

漢書決疑十二卷爲學者所稱師古注漢書多取

其義今書中未見本玉此外注文間用舊說皆爲

證明以資識別原其本意非必掩襲前賢或因已

王祭酒年譜

卷中

五

說冥符不復割捨尙非巨累至游秦行輩文學歸

然在前盜實遺名有慙德矣今補注所采悉出其

人家世儒素昆弟相師先後三人慘歸黃土脊令

原隰垂老增唏片羽可珍敢忘護惜宗族講肄朋

好往還賞析所存皆登斯輯亦公善之義也 顏

注漢書至宋仁宗景祐二年韶州余靖宋史本傳

人爲秘書丞奏言文字舛譌命與王洙同校靖撰

刊誤一書增入江南張必校說六條宋祁云漢書

乃張必江南人歸本朝太祖收諸僞國圖籍實館閣或召京朝官校對皆題名卷末

所謂景祐刊誤本也嗣又有宋景文公祁合十六家校本

至寧宗慶元中建安劉之問又取宋校本更別用十四家本參校又采入蕭該音義司馬貞索隱孫巨源經綸集學官考異章衡編年通載楊侃兩漢博文漢書刊誤楚漢春秋史義宗本西京雜記朱子文辨正孔武仲筆記三劉刊誤紀年通譜刻之爲建安本

周壽昌云劉之問號元起書前題云建安劉元起刊於家塾之敬室余購得之

今存湘潭袁漱六同年芳瑛家顧千里析劉元起與之問爲兩人又訛作之問南監本又作之同

明南監本卽用建安本者也但於注文刊落甚多汲古閣本注文完足而去其敘例又於藝文志張良司馬相如東方朔揚雄賈誼傳後附臣佖校語

王祭酒年譜

卷中

五

六條卽張佖也而三劉刊誤及景祐刊誤皆未之采

國朝文敎昌明圖書大備乾隆四年

武英殿校刊漢書用監本精校付梓別加考證今補

注以汲古本爲主佖說併入注文遵用官本校定

詳載文字異同備錄諸人考證顏監敘例宋劉校

語粲然具列庶覽者無遺憾焉 監本列宋景文

參校諸本一古本

顏師古本

二唐本

張唐公家所得唐本

江南本

金坡遺事云太祖平江南賜本院書三千卷皆紙札精好東原榮氏私記云江南本

宣和間尙在御府

四舍人院本

江南本在舍人院亦曰舍人院本劉之問云景文所

據爲十五家按其目實十六殆因舍人院本卽五
江南本之藏舍人院者一本二目故併稱之

淳化本 國朝會要淳化五年七月詔選官分校
趙安仁孫何校前後漢命陳充阮思道尹少連趙況

內侍裴愈齋本就杭州鏤板 **六景德監本** 國朝會
平中眞宗命刁衍晁迴與丁遜覆校兩漢書板本

迴知制誥以陳彭年司其事景德二年七月衍等
上言漢書歷代名賢注釋至有章句不同名氏交

錯除無考據外博訪羣書徧觀諸本校定凡三百
四十九卷籤正三千 **七景祐刊誤本** 景祐元年九

餘字錄爲六卷以進 靖上言國子監所印兩漢書文字舛譌恐誤後學
臣謹參括眾本旁據他書列而辨之望行刊正詔

送翰林學士張觀等詳定奏聞又命國子監直講
王洙與靖偕赴崇文院讐對二年九月校書畢凡

增七百四十一字損二百一十 **八我公本** 今不詳
二字改正一千三百三十九字 何人

九燕國本 十曹大家本 十一陽夏公本 十二晏本

王祭酒年譜 卷中

五

十三郭本 十四姚本 十五浙本 十六閩本 又列建

安本參校諸本 用宋景文本校定 **一熙甯本** 熙甯
復用諸家參校 七年

參知政事趙抃奏新校漢書五十二 **二卷子古本** 古
冊及陳繹所著是正文文字七卷 字

三史館本 舊本 **四國子監本** 宣和六年 **五陳和叔本** 熙甯
中所 本

六邵文伯本 用宋景文本校 **七謝克念本** 用景文本校 **八**

楊伯時本 用謝本校 **九李彥中本** 用楊本校 **十張集賢本** 張環

得唐世 **十一王性之本** 用景德中本校 **十二趙德莊本**

本校 **十三沈公雅本** 用祕閣本校 **十四王宣子本** 用

閣本 **景文校本** 近儒錢大昕王鳴盛等皆信之惟

全祖望以爲南渡末年麻沙坊中不學之徒依託

爲之非出景文列有五證見鮪琦亭集外編第四
十六卷今案宋說淺陋誠所未免惟劉之問輩曾
用以校定則固嘗有是書不出南渡末也

國朝諸儒講求板本之學致力漢書者多用南監本

此外如景祐本王念孫父子校閩本錢大昕校明按察司按察使周采提學副

使周琬巡海副使柯喬等刊汪本朱一新校明德藩本葉德輝校明德

刊乾道本宋乾道中刊北監本以上二本先謙校並備搜羅間

有甄采良由文軌同塗眾善咸萃

內府精槧前無以加云 王劉刊誤出劉敞與其弟

攸子奉世撰宋史敞傳云字原父臨江新喻人不

王祭酒年譜 卷中

堯

言有此書惟攸傳云字貢父邃史學作東漢刊誤

爲人所稱司馬光修資治通鑑專職漢史奉世傳

云字仲馮精漢書學而已其實兩漢皆有三劉評

論今書已亡賴監本存之斗南補遺援引蕪雜說詳

王氏十七史商榷頗有芟取未從割棄蕭該音義采自監

本雖非瑰寶亦資印證明代史評大暢競逐空疏

國朝碩學雲興考訂精能超踰前古茲編廣羅眾家

去取務慎沈文起疏證一書以後事稽合前言自

爲別派今但取有關書義者餘屏不錄 顏監敘

例言曲覈古本歸其真正史記正義論例云史漢

文字相承已久若悅字作說開字作開智字作知
汝字作女早字作蚤緣古字少通共用之史漢本
有此古字者乃爲好本劉之問跋建安本漢書云
自顏氏後又幾百年向之古字日益改易書肆所
刊祇今之世俗字耳識者恨之今得宋景文公所
校善本雌黃所加字一從古愚按從古之字如供
爲共伺爲司蹤爲縱藏爲臧廂爲箱慰爲尉屢爲
婁嗜爲耆屍爲死讓爲攘之類或係最初正文或
出聲近通假非由古字之少旣展轉借寫彌久失
眞故東京文字不正流弊斯極而許氏說文出焉

王祭酒年譜

卷中

卒

刊本存眞不宜輒改若概目爲古字其蔽也愚或
乃以爲六書假借之指則去之愈遠矣 汲古本

文字無定如以字作已後多作以桓字作栢間亦
作桓及公孫賀等傳贊淵聖御名悉仍其舊或有
譌脫乖誤之處並依前式加以注正書雖增新板
如逢故帷官本劉宋注文有隔斷顏注者輒爲移
易舊處俾免違滯 顏監於雜家傳記擇取綦嚴

如太公名字四皓姓氏雖登史志並就刊落可謂
慎矣西京雜記亦在屏除之列沈文起詆之

引見傳中

愚謂雜記不知撰人初無妄說又古事雅語並資

多識師古棄而不取而稱引顯相牴牾之楚漢春秋不悟其僞託抑又何也今依沈說仍采雜記此外如飛燕外傳之類概不闖入 王子功臣外戚恩澤侯表所列皆受國封而司馬貞之徒或云名號此大謬矣其不見地志者皆因免侯併省亦有侯表相符而地志不言侯國則班氏失書也其有先國而後縣或一國而前後兩封取覈表志原委咸在疑訟已久特爲揭明 班志地理存前古之軌迹立來史之準繩兼詳水道源流使後人水地相資以求往蹟可謂功存千古者也元魏酈道元

王祭酒年譜

卷中

空

水經注一書於漢世水道曲折具存實爲疏證班志而作前人引用不得要領茲編於酈注諸水顛末悉備同郡之水則云自某縣來下入某縣隔郡之水則云自某郡某縣來下入某郡某縣脈絡畢貫臚載無遺更取歷代水地諸書爲之疏通發明訂正訛謬讀者因酈證班卽漢攷古然後遞推諸史上下數千年地理可以了然胸中 律歷天文顏監無注

國朝錢李諸儒洞貫劉術更迭推衍三統以明天文圖籍紛陳管窺歲補苴闕漏藉竟全功其餘得

失之林開卷卽了遠俟百世不煩贅論 閏八月

門人湘鄉陳詒重郎中 毅 平江蘇厚康孝廉 興 刻

虛受堂文集十五卷成爲子各製一序陳序云昔

姚惜抱以理學名儒類纂古文辭主張後進海內

翕然奉爲圭臬粵寇之亂厥學寢微吾師長沙祭

酒怒焉爲憂以學術之盛衰引爲有心世道君子

之責於是哀采乾嘉道咸諸名人集按類編次續

姚之書而所自爲各體古文一以姚氏宗旨爲歸

而進求合乎先儒義理之學先生固不欲以文名

而文必如先生乃可謂獨精者先生之言曰乾嘉

王祭酒年譜

卷中

空

鉅儒立漢學之名詆宋儒言義理爲不足述獨惜
抱以義理攷據詞章三者不可一闕義理爲幹而
後文有所附攷據有所歸故其爲文原流兼賅粹
然一出於醇雅夫先生於經史諸子

國朝掌故皆嘗鉤稽參訂著有成書固非不能以攷

據名世而必若世之僮離備霧襲取宋學爲高者

然其揚摧惜抱立言如此則先生之自任斯文實

重且遠而所以探討義理發之於古文辭者皆吾

黨小子所得而略言之矣嗚呼義理之說孟氏寔

始言之其旨爲禮教所從出學者得之以不同乎

雜家者言而自成其爲儒家言者也孟氏旣往墨學未衰其徒黨又率能譬諭齊給拊爲名法捭闔諸姦說以蔑禮廢教營惑愚眾故其文亦喬宇鬼瑣而不可究詰荀卿子出論學論治悉本乎禮反復推演綦明其趣於是其學爲千古修道立教所莫能外而其文迺大醇而無所蔽近世已來士夫多厭薄中庸務摭取荒徼異言著爲文說謨詢我政制經典而謬謂能揀之做其旣較戰國橫議爲烈先生獨能主持正學放距衰詖俾其說不至深中乎風教先生之引學術盛衰爲有心世道之責

王祭酒年譜

卷中

奎

者毋乃在乎是然則先生之文益不可不傳而先生之所發抒乎其文者良有所本也毅受學先生有年知先生之學惟毅獨深每先生一文出輒得先讀讀輒錄之積有歲年遂成巨帙亂離旣肇人事日繁深恐師說之存於毅者或及身而散失因與平江蘇厚康孝廉各出所錄若干篇仍謹依先生續古文辭類纂之例次第之都十五卷梓而行世毅生平不能文然偶有觸悟自謂能獲古文学家傳授之宏旨嘗以所得質先生曰文而禮儒家言也文而非禮雜家言也先生深韙之今刊先生之

文因臚舉已說引伸師義而爲之敘後之讀先生
文者幸其知所宗尚也又蘇序云自來言古文者
宗師昌黎夫昌黎之可師豈特文之格律氣韻云
爾哉其進學解所稱列百家六藝細大靡遺而答
李翊書論文謂非三代兩漢之書不敢觀非聖人
之志不敢存又必識古書之正僞答李師錫則云
所志於古者不惟其詞之好好其道焉耳於庠此
昌黎文之所以獨絕也宋世歐蘇輩出考其議論
雖於古聖賢有合有否要其生平志學各足自立
故其文發之而特光厯霾晦而益顯

國朝桐城姚惜抱爲義理考據詞章合一之說藉以

融洽漢宋門戶定文章之趣嚮吾以謂考據以博

古義理以明道此非姚氏之私言卽昌黎所自期

與其教人爲文之指端在於是然姚氏之文沈潛

古籍於義理考據爲能兼綜其全故雖取法唐宋

而能拔出一代彼世之號爲桐城派者吾惑焉夫

必蓄於內者眞而後發於外者有所不容已執持

於己者大而後應於世者取給而不窮苟或抱其

空質以鳴則雖體貌畢具若假良工之模以製器

形狀僅肖精苦頓殊尙烏覩所爲宗派者乎舟楫

者致遠之具而非所以致也規榘者造物之用而非所以造也體勢者能文之方而非所以能也且夫文之遞嬗無窮惟道與學之至者迺藉言語以存於不做偏畸於形貌未有能勝者也宋初鑒五代之纖麗而柳穆以簡淡爲高明病臺閣之猥庸而王李輩號稱復古援白嘲黑矯而仍敝奚足語文字之眞哉吾師葵園祭酒曩曾廣續桐城纂次各家固亦循唐宋之軌轍而其爲文醇懿槃鬱獨追古初奄有眾家之長遏而積之挹秦漢之精而不掩其疏達之氣可謂極天下之智勇祛文家之

王祭酒年譜

卷中

奎

偏畸者蓋先生上自周秦兩漢之書下逮近代掌故之錄罔不纂述成書既世之所推考據家復以餘事發爲文章根柢往籍抽析新理燦成統紀各還分職斂焉而彌闕挹之而愈不盡又其衛道愛國之誠繾綣方寸時見於意言之表眞有合於昌黎所云者若其考覈詳密源流畢賅遣字積語較量銖黍視姚氏以下殆或過之已於虜滄瀛蘊亂絃誦將衰吾湘昔日曾吳諸老相與切劘翕應於干戈顛沛之餘今漸聞焉莫可復得重以邪說流行

學校蒙殃文字之變與世運殆無終極而先生獨

抱古芳矯然物外後之讀斯集者因益曉然於道
範之不可踰越則所繫於風教者尤鉅也輿受先
生教有年於古入之道無所得唯於先生文若有
私嗜爰合先生舊作與同門諸子分類編刻而序
其指以諗讀先生之文者 又十二月與蘇孝廉
商輯律賦類纂十四卷刻成蘇序云賦者萌柢風
詩而造崑孫屈然唱騷陳賦攄憂喻道緣情感物
寄於微言匪姝姝體製也自餘景宋之屬文成規
放寢淫漢世流派益繁自京殿風土游譚暨物類
景象闖奇恣韻極乎巨觀而哀秦賦蔡

藝文類聚
二十有丁

王祭酒年譜

卷中

突

庾蔡伯喈女
賦謂文姬也

吐詞懷舊潤古有作此焉椎輪三國

以還下逮典午雕鐫物巧軫慕山川清思愈竊麗

則難雙至東哲勸農步熊覈性聞道明治亦眾啾

之孤鳳矣六朝文士見譏風月開府諸作寔爲桀

英參儷入偶風氣聿開唐初相承頗雜纖麗自試

士設科格律漸謹體貌競新而古法之淪論者頗

歸咎焉余以謂程式所限士幾速化道之漸敝積

勢固然有志者未必貶古求合中材因繩墨而引

以鑽研然則古學之存尤賴倡導昔卿雲獻賦夢

想裂腸奏御千餘著於成代後漢張衡上疏亦稱

書畫詞賦當代博奕以此取士諸生競利斯知兩
漢賦學之盛自於朝廷曹魏六朝君臣迭唱佳製
獨多上所好求羣材斯赴利祿之途豈第經術惟
自元代不列科目我

朝締基仍規唐宋

御試翰詹悉用律賦恭讀

聖祖御製賦彙序有曰敷奏者有近於賦之義使堯舜而
在今日亦所不廢且言朕嘗以是求天下之才四
方初定卽

詔儒臣長於詞賦者陸續進呈以聲韻駢偶之末而

王祭酒年譜

卷中

卷

聖人矜重若此豈非以體製閱瞻既舊學所畱詒而其鏗
鏘婉約又足以敷

聖美之風而馴桀悍之氣造士之道亦有樂於此乎吾

師葵園祭酒嘗詔輿云賦雖小道自非學識登閱
義法曉暢爲之未易以工趣俗者域膚近鷺材者

騁博豔涂軌多歧風會斯靡時至今日詞翰非急

顧念功令所著垂二百年魁儒碩士作者代輿非
有編輯其曷取資爰出舊藏暨試士所得命輿衷

錄尤雅詳加鑒別分類凡七曰體物曰述古曰徵

文曰明道曰論治曰獻頌曰擬古都如千篇命曰

類纂又以名家法式率本先民稍錄古賦用殿全編俾來者因類以討義循流而溯源若夫尙探遐曩推繹正變則有張皋文氏之賦鈔存

光緒二十七年辛丑六十歲

主講嶽麓書院 時東西洋諸國脅和退兵賠償

兵費派之各省湖南歲定七十萬兩官府議舉行

房畝各捐余恐擾民言於蔡伯浩觀察

乃煌

會商

眾紳勸爲計口收捐之議仍取之鹽價每斤加收

四文歲得鉅金償款以足而民無擾累蔡之力也

呈函俱刻入虛受堂書札第二卷

是歲刻駢文類纂四十四卷

王祭酒年譜

卷中

突

成白爲序例云少讀唐柳子厚永州新堂記至於

邇延野綠遠混天碧詫曰此儷語也而雜廁散文

深疑不類余兄敬吾先生聞之曰他日可與言流

別矣長遊藝林粗涉文翰見夫姚氏古文類纂兼

收詞賦梅氏古文詞略旁錄詩歌以爲用意則深

論法爲舛駢文之選莫善於王聞修法海李申者

文鈔傾瀝液於羣言合鑪冶於千載顧王則題目

太繁李則限斷未謹所居之代抑又闕如不足綜

古今之蕃變究人文之終始美猶有憾斯之謂與

屏居多暇舊籍盈几輒復甄錄尤異剖析條流推

賓谷正宗之指更溯其原取姬傳類纂之名稍廣其例座中百琲盡是明珠機間九張無非文錦使異代之上晤言若親寰海而遙光氣不隔藻翰飛騰屈宋之芳無歇商量邃密葉德祖輝張同之力爲多凡類十五卷四十有六間亦區其義例第其時代爲上中下編云 論說類三一曰文論斯文肇興體隨時變趣尙偏異流失遂生達識雅材倚摭利病彥和子元冠絕倫輩山谷之論河間之評二家並重學者攸資彥和書宜全讀子元頗有芟取文饒文章論爲隱侯而發而沈傳靈運舉斯立言子

王祭酒年譜

卷中

充

元以爲全說文體備言音律可爲翰林補亡流別總說次諸史傳實爲乖越以旣爲體限仍居史論之次凡若此類所宜旁通一曰史論終篇論事發端馬遷後來各家沿襲成體旣趨偶儷彌益煩蕪故史通擬之高士綺紈丈夫粉黛但文之爲體有舉莫廢其有聯詞切理比事愜心未嘗不競賞巧工傾目浮藻又鴻儒攷古激想抽毫辨難旣紛溢爲繁縟才力所極自呈炳蔚雖波瀾莫二而涂軌已別此則循載筆之往式導史評之先聲者矣趙皮書後諸篇或紬繹他作更端引申或雷連前史

因事寄意名同跋尾義主衡論今棄名取義使以類從一曰雜論如稱舉時美推覈物情鍼砭俗流抽尋往籍萃茲眾理歸於一編亦文林之柯則也稚川尙博諸篇與解嘲賓戲同科蕭樓設論之目也博喻廣譬儷式連珠以體不純壹總列於茲焉

共文百二十首

序跋類四史家類傳迺有序文所以領

厥宏綱陳其命意休文恩倖昭文選之於前唐宗后妃志堅採之於後並目序以論亮爲舛矣若私家撰述條別實繁觀華亭之弁言亦龍門之遺意也士衡標目豪士指刺齊罔賦酌雅文序兼史筆

王祭酒年譜

卷中

七

去賦存序亦其類也梁元志傳因襲史裁雖體殊識大而例歸一貫他若金石之刻訂其舛譌傳記之書證其得失並文人所有事史籍所取資按法海錄序以詩文宴集區爲二門余謂應奉之製唯主頌颺陪從之篇尤重肅穆爰就其中合采前美昭示後儀若尋常詩文序跋亦分兩事一曰應酬之作挹清黃憲之坐問奇楊雄之亭誼重淵源感深投分迨叢蘭有已敗之色而卷菴餘不死之心期以片言偕之千古他如紀榮遇於畢生述明德於既往貞烈之矚履苦而說甘述作之工推微以

致顯皆義主表章而事緣請屬此以情爲根而文
周其用也一曰揆張之作必植砥忠孝通鑰經史
藝林萃藪洪纖皆適用之資國士遺編顯晦歸後
賢之責此以文爲本而情暢其流也至於觸感無
聊伸紙寫臆屏居生悟緣虛入實汎長風而不息
則回戀故巢望晨星之漸稀則感傷知己亦有朋
好往還襟情契結登降巖壑興寄園亭歎逝者之
如斯撫今懼而易墜相與招繪事賦新詩更揮發
以詞章庶招宣其情緒一卷之內陳迹如新百年
之間古懷若接皆無假故實自達胸懷由耳目以

王祭酒年譜

卷中

七

造性靈驅煙墨以籠宇宙文之爲道斯其最勝者
與

共文百
六十首

表奏類九敷奏始於尚書上書沿於

戰國秦并區宇列爲四品表以陳事章用謝恩劾
驗政事曰奏推覆平論曰駁漢云封事起自宣帝
不關尚書亦曰上疏用之王侯達於天子總駁於
議而典午古今尺議尙以駁名陳謝用章而齊陳
賀慶表文亦有章號魏國奏事始或云啟唐世奏
謝兼稱爲狀六代白簡謂之彈事蓋按劾之變名
宋朝上書或云劄子是書札之譌字並奏之流也

進言摛文戰國爲勝漢初沿其波制策發問炎靈

肇端歷代循其體又有奏對策對之異焉

本朝革華崇實凡有進御統謂之奏平論大政亦或用議成書賀捷皆上表文

殿試

朝考分題策疏觀乎人文取存古式而已夫元首居尊羣材效職聖澤而寓則思極頌聲飛龍在天則恭陳符命斯國家之鴻美颺言之上式也興利革弊論政兩塗薦賢効好事君大道上進之篇其鉅者國華朝典亦不遺祥異之微慶賀之詞其尤者愷樂上儀且兼及起居之末亦有榮被泉壤義激朝

王祭酒年譜

卷中

三

端器物寵頒文事相接並魚水生歡臆藻貢恫位祿與其辭受揣分而讓謝興上膏猶屯下情待抒而求請起王廷有揚詞筆兼需而對問重流觀天澤義云備矣竹彈鮎謝詞詭體正通天之奏故土有懷比士衡之弔魏帝尙蓄餘思似稚圭之禱漢

宗申衷冥漠今各以類附焉

共文百三十首

書啟類四

書啟者通上下之辭也皇儲貴胄降禮達誠體性

明睿文詞雅潤飛翰染楮咸可覽誦親貴酬獻才

雋歡陪光生顧眄情申慕戀或勝詭入讒吳繁競

進榮辱倚伏機穽俄生蠖屈求信雉離增歎斯則

皇軌不一恆必有之至於折衝之事經畫之宜倚
馬援毫捉刀入幕亦有請命鄰封薦賢當路推功
闡帥致美大府並表裏史乘裨助參稽若文史爲
用理體滋繁課實談虛悉資考鏡自餘雜述總爲
一編謝惠儷言盛於六代體不可闕略備前式唐
世溫段之徒時復間作並從斷棄又其時風會波
頽文盛干請望門投謁呈身貢函昌黎不遇三趨
宰相之庭薛逢乞恩死作埽除之鬼此類悉予刪
除無俾害道共文百九十七首 贈序類一以言贈人荀
子比之金珠擇言而進魯侯以侑觴酒泊乎唐世

王祭酒年譜

卷中

乃有序文發摠今情敦勉古義斯朋友之達道也
獻壽有文沿於明代貴在不溢美不虛稱反是則
濫矣王氏法海贈別序自爲編姚氏類纂因之增
入壽序茲仍其例云共文二十四首 詔令類四文心雕
龍云昔軒轅唐虞同稱爲命降及七國並稱曰令
秦并天下改命曰制漢初定儀則命有四品一曰
策書二曰制書三曰詔書四曰戒敕戒州部詔
誥百官制施赦命策對王侯體至晰也案蔡邕獨
斷云策書策者簡也以命諸侯王三公制書帝者
制度之命也其文曰制詔三公赦令贖令之屬是

也詔書有三品其文曰告某官官如故事是爲詔書戒書戒敕刺史太守及三邊營官被敕文曰有詔敕某官是爲戒敕也其義頗異攷西漢賜書輒稱制詔是詔兼制矣武策三子誼主申戒是策亦敕矣劉勰云戒敕爲文實詔之切者則敕卽詔矣漢高手敕太子知此又不僅施州部也逮及六朝世異封建禪代九錫依倣策文唐宋敕書或施之一人或專賜州郡詔則徧諭天下制以黜陟封贈其大較也然舉例覈文隋高祖報李穆應曰以敕唐太宗賜李靖陪葬應稱曰制而皆以詔名知散

王祭酒年譜

卷中

七

文通矣遷除用制實病文繁劉子元謂褒貶之言哲王所慎諒哉其義兼戒勉者取之餘屏不錄制策以咨多士勛其書思對命合於釋名驅策諸下之義教令亦上臨下之辭並以附焉蔡邕獨斷云諸侯言曰教劉彥和云契敷五教故王侯稱教自教以下則又有命詔重而命輕者古今之變也攷六朝文例有令無命雕龍所稱殆謂令耳

其文八十二首

檄移類二劉彥和云移檄爲用事兼文武意用

小異而體義大同又云檄者敝也宣露於外敝然

明白也或稱露布播諸視聽攷文章緣起馬超伐

曹操賈宏爲作露布雕龍以爲檄之別稱信有徵
驗魏晉以降代有檄文不名露布彥和身居梁世
尙無殊解然則露布爲獻捷專號必在李唐之初
乎茲從其後起分爲二流以同在金革仍總諸一
例本國伐叛但云下符其小征伐則用移牒皆檄
之流也稚圭北山意嚴詞正節壯高隱義激頑夫
筆陣助其驅除山靈增其颯爽雖斯體之附庸實
文人之魁桀矣甘亭移牒城隍助驅貓鬼幽明一
也故並附焉

其文十
九首

傳狀類一行狀者生而顯

貴沒申史官具畢身之事實備後乘之甄錄沈約

王祭酒年譜

卷中

壹

齊司空柳世隆任昉齊司空曲江公兩狀李氏駢
體文鈔采之鈔自類書故非完本不堪垂式所宜
割捨傳之爲體義通存沒蘇子瞻方山子歸熙甫
筠溪翁皆在生存便爲紀述蘭成丘崇亦其例也

共文
五首

碑志類四山川寺墓刻石勒文所以揮發

冥靈導揚徽烈隋唐以往釋老競鳴宏闡教宗於
斯爲盛曹頌王銘信遺編之雙秀也至於紀功述
德意主揆張刊銜墓門標題神道皆以傳名業於
靡湮貫榮哀而同致表之言表碣之言揭其義一
而已矣埋隧鐫詞體幽用顯但欲洛陽購紙爭讀

太沖之文豈待元武辨銘共識甄邯之家共文百二十七

首 雜記類一齊梁文苑始初記體樹寺造像休

文有作孝標山棲亦名曰志劉子元所謂山棲一志唯論文章者也法

海選錄標以志名文鈔下加序字謬矣志記一也雜記之流蓋於茲

託始唐代亭堂石瀑咸被文章斯則記例宏開不

僅山川能說矣又或追存曩迹暢寫今情逮乎

國朝其流益夥但遊集之記恆與序相出入董子洗

泛月艤舟亭序李悉伯遊龍樹寺記卽其證也大

抵專紀述者乃登記目綴吟詠者方以序稱此雖

流別之至微所當部居而不雜共文六十四首 箴銘類

王祭酒年譜 卷中

美

一雕龍之論銘箴也曰箴全禦過故文資確切銘

兼褒讚故體貴弘潤又言戰代已來棄德務功銘

詞代興箴文委絕余謂語其體則箴峻而名紆言

其用則銘廣而箴狹六朝作者競趨辭賦彥和當

日已歎箴銘罕施今之爲銘者時亦有焉禦過之

文宜乎鮮矣共文四十八篇 頌贊類二頌體權輿並出

周世魯祀文公奚斯有作臣下褒揚於茲託始仲

山出祖吉甫贈言詩大雅吉甫作誦潛夫論引作頌蓋三家異文 朋友歸

美亦其肇端考父述商首闡前代之懿三閭翫楫

爰及品物之微後來作者雲興約歸四例士龍頌

漢奏章通情斯屬文之別調也贊之於頌名異實同孝若東方畫贊序謂慨然作頌末稱用垂頌聲固已混同一致彥和有云結言於四字之句盤桓乎數韻之辭其頌家之細條乎余謂自來贊文先以論序前再宣以罄緒不害爲煩後約舉以賡詞故不傷其促末世儷之頌文施用彌廣子山諸贊猶存古質雕龍文贊洋洋乎詞林之盛美非凡品所庶幾焉

共文四十六首

哀弔類三誄與哀辭彥和

王祭酒年譜

卷中

七

必施天昏余謂誄與哀辭並哀逝之作誄以累德施之尊長而不嫌僭辭以敘悲加之卑幼而覺其安許竹簣高夫人哀辭炳焉述德之文亦非不淚之悼務盡今悲稍變前式矣蘭成思舊雖以銘稱亦誄之流故以次焉雕龍云弔者至也詩云神之弔矣言神至也故弔祭爲類君道之弔莊容甫之弔黃馬因文寄意竝弔之別體

共文四十一首

雜文類

三彥和論雜文曰宋玉始造對問東方廣爲客難揚班之徒迭相祖述枚乘首製七發子雲肇爲連珠凡此三者文章之枝派也統以雜文之目今依

而次焉共文三百十八首

詞賦類二詞者屈左徒諸人

所造也阮文達云子史篇翰實有不同楚國多材
靈均特起賦繼孫卿之後詞開宋玉之先六藝於
此分途萬世咸歸圍範劉孟塗云騷人情深猶能
有資於散體豈芳草性僻不欲助美於駢文蓋徑
有未窺抑知者猶寡二賢之論斯知要矣賦造端
於宋荀宏體於揚馬自茲以降雖程裁迭變而意
匠無殊蓋駢儷之道言哀不深則情韻無抑揚之
美取材不富則體製乏瓌偉之觀自非抗心逸步
縱獵詩流鮮不騰誚於拙工蒙羞於儉腹故以終

王祭酒年譜卷中

庚

焉共文八十二首

文章之理本無殊致奇偶之生出於

自然麗辭所肇通變所宜彥和辨之究矣引其端
緒尙可略言古今文詞遞相祖述胎化因重具有
精理魏文賦寡婦安仁擬之朱穆論絕交孝標廣
之祖其題也翰林墨客續子虛以代興梁王陳思
其楚襄而迭起祖其體也長卿上林云追怪物出
宇宙子雲校獵云追天寶出一方孟堅西都云仰
悟東井之精俯協河圖之靈明遠河清頌云仰應
龍木之精俯協龜水之靈祖其句也安仁秋興賦
云善夫宋玉之言曰悲哉秋之爲氣也草木搖落

而變衰錢新梧段公遺愛碑云昌黎韓子有言矣
事有曠世而相感者忽不自知其何心祖其語也
宋玉高唐云纖條悲鳴聲似竽籟清濁相和五變
四會上林云猗柅從風薊葳蒨歛蓋象金石之聲
管籥之音太沖吳都云鳴條律暢飛音響亮蓋象
琴筑並奏笙竽俱唱祖其意也按造句但可偶摹
無滯迹象采語緣於興到純任天機意之爲用其
出不窮貴在與古爲新因規入巧上林云視之無
端察之無涯日出東沼月生西陂馬融廣成云天
地虹洞固無端倪大明出東月生西陂雖增改數

王祭酒年譜

卷中

堯

字變亦不善矣彥和神思云伊摯不能言鼎輪扁
不能語斤其微矣乎子元敘事云能損之又損而
元之又元輪扁所不能語斤伊摯所不能言鼎也
則直鈔成文索然易盡矣苟得其妙如屈平遠遊
云下崢嶸而無地兮上寥廓而無天視儻忽而無
見兮聽禱恍而無聞長卿大人全祖是篇兼取四
語而指各有適文無相害此意匠工拙之辨也諸
體成章靡不相襲雜文一類繼者難工自子建七
啟歸美當代後賢有作故步相追詞擷華腴義病
重疊華亭吳對名去實存稚存七招性含變化恣

伯七居超然意遠其七家之高致乎至於隸事之方則亦有說夫人相續而代異故文遞變而日新取載籍之紛羅供儒生之采獵或世禩懸隔巧成偶儷或事止常語用始鮮明譬金在鑪若舟淨水化成之功直參乎造物橐籥之妙靡間於含靈者也漢息夫躬劾伍宏云霍顯之謀將行於杯杓荆軻之事必起於幃幄晉鍾會檄蜀云投跡微子之蹤措身陳平之軌則福同古人慶流來裔取人隱事而意旨躍如此最優矣自餘佳對指不勝僂義乖事舛往往而是校獵云齊桓不使扶輦楚嚴未

足驂乘尊皇抑霸允矣慎旃其他虛美之詞不過

曰登三咸五甄殷陶周而已若簡文馬寶頌云堯

舜不足憲章孝穆代貞陽侯書云湯武方於兒戲

此屬詞失當也其與王太尉書云霜戈雪戟無非

武庫之兵專耀齊威非誇王眾而子安滕王閣序

云紫電青霜王將軍之武庫以電易雪指齊爲王

此釋文不審也屢弧箕服實喪周邦二龍降庭何

預夏事而駱賓王代徐敬業檄云龍髯帝后識夏

庭之遽衰此使典差繆也長卿賦奏大人則漢武

意凌雲氣厥初楊意之薦惟見子虛之文而滕王

閣序云楊意不逢撫凌雲而自惜鍾期既遇奏流水以何慚徒取對工罔顧文義此杜撰不經也蘇老泉作木假山記戴顒以黃鸝爲俗耳鍼砭而戴帥初通蘇教授書美以木假山之家世陳其年戴無忝詩序稱爲鸝砭名家夫木山小文何關世緒鸝砭雅語詎涉家聲此任意牽附也袁簡齋賀盪平伊犁表云金山擒車鼻本文皇漏網之魚渭橋謁單于慰高祖平城之憾平城之憾漢史可徵漏網之魚唐書未見此隨筆增竄也亦或調律太和翻失古節琢句凡近便成律賦凡此諸弊大傷文

王祭酒年譜

卷中

全

格鄙生沿習未知所底又如子山司馬裔碑銘趙武李燮兩見鼎臣武成王碑銘春蘭秋菊重出昔有茲式蓋不相妨苟其效顰實鄰寒陋若此之類理貴善推是故甄別舊編取證本事必義例允協銖黍無爽合之兩美則觀者雀躍擬不於倫則讀者恐臥可以印心源於三古通慧業於萬流雕龍謂言對爲易事對爲難亦極思之論也至詞氣之兼資乃駢儷之總轄漢魏之間其詞古茂其氣渾灑縱筆驅染文無滯機六朝以還詞豐氣厚羨文

衍溢時病煩蕪宋元以降詞瘠氣清成語聯翩祇

形剽滑明初劉宋略倣小文自時厥後道益榛蕪
雖七子大家闕爲斯式華亭崛起晚末抗志追摹
詞采旣富氣體特高明史稱工非溢美矣

昭代右文材賢踵武格律研而逾細風會起而彌新
參義法於古文洗佻優之俗調選詞之妙酌穠纖
而折中行氣之工提樞機而內轉故能洗洋自適
清新不窮儷體如斯可云絕境洪李之作無間然
焉辜權陳之用貽通識 又重刊景教碑文紀事
攷正一卷成序云景教碑文紀事攷正廣東楊榮
鈇襄甫撰自稱景門後學書凡三卷刊於光緒二

王祭酒年譜

卷中

全

十一年卷端列影照碑文一第一卷載翻譯景教
流行中國碑文次金石家攷論次大秦攷次景教
及諸教攷原二三卷則取今之通行耶穌本經以
證釋碑文者也碑稱貞觀中大秦阿羅本至長安
詔造寺度僧高宗時諸州各置景寺元宗送五聖
寫真寺內安置肅宗於靈武等郡重立景寺代宗
誕降之辰錫香頒饌建中二年僧景淨述頌建碑
文中稱其道曰景門曰景風曰景力徒曰景眾曰
景士且曰眞常之道妙而難名功用昭章強稱景
教其云三一妙身無元眞主阿羅訶者用希伯來

音譯阿羅訶乃猶太人稱造化主之名卽天也三
一分身景尊彌施訶者希利尼文稱彌施訶曰基
督卽耶穌也號耶穌曰景尊故其教曰景教或謂
唐諱丙之字曰景丙於五行爲火景教卽祆教故
以拜火爲宗此不知火祆非景教而爲此臆說也
宋敏求長安志布政司西南隅胡祆祠武德四年
立西域胡天神也祠有薩寶府官主祠祆神亦以
胡祝稱其職今案舊唐書職官志有薩寶府祆正
亦曰祆祀西溪叢話言武宗毀浮圖籍僧爲民會
昌五年敕大秦穆護大祆等六十餘人並放還俗

王祭酒年譜

卷中

奎

所謂大祆卽祆祝也祆字胡煙切從天不從天唐
會要云波斯國西與吐蕃康居接西北距拂菻卽
大秦其俗事天地日月水火諸神西域諸胡事火
祆者皆詣波斯受法故曰波斯教卽火祆也長安
志又云義甯街東之北波斯胡寺貞觀十二年太
宗爲大秦國胡僧阿羅斯立又醴泉坊之東舊波
斯寺儀鳳二年波斯三卑路斯請建波斯寺神龍
中宗楚客占爲宅移寺於布政坊西南隅祆祠之
西冊府元龜天寶中詔以波斯經教出自大秦改
兩京波斯寺爲大秦寺今攷武德所立胡祆祠與

宗楚客所移波斯寺之東同地一祠又新唐書百官志兩京及磧西諸州火祆歲再祀而禁民祈祭皆波斯國事火祆之祠也義甯街東北波斯胡寺太宗爲阿羅斯立阿羅斯卽碑阿羅本義甯街卽碑義甯坊此寺與移布政坊西南隅之舊波斯寺天寶中皆改大秦推其改名之由蓋以嫌與波斯祆祠相溷而碑云貞觀詔造大秦寺乃從其後名稱之錢大昕景教考以爲夷僧之夸詞非也明崇禎間碑始出土今在陝西省城金勝寺內楊氏宣揚景教箋釋碑文第一卷於西國文字之遷貿與

圖之分合教宗之同異剖析詳明爲言職方者不可少之書爰重刊以貽博覽君子二三卷則以專釋彼教今無取焉 又後序云周地之民瞋瞋而行倨倨而臥無異牛馬也見夫蒼蒼者高無與並則神之明明者疾莫能追則神之烈烈者熱不可執則神之以至鬼怪之毒害物類之侵偪莫不相與神之術智者出焉因其人之敬畏導以崇奉之禮禱祀之辭而教始萌芽思夫天地如此其遼遠也蓋有造分天地者人類如此其蕃滋也蓋有主持人類者於是爲教者之論說紛邪正雜矣善夫

楊氏之論婆羅門也曰歷夏商周三代而異端之說日出不窮則以好論鬼神之過夫教人而極思於空虛安在其不爲異端所託也哉謨罕默德摩尼之藉教以行其私也楊氏詳之矣余嘗旁攷中國傳記亦頗有與西書合者五運歷年記云元氣鴻濛肇立乾坤分布元氣乃孕中和是爲人也首出盤古且言其垂死化身備諸神異述異記云盤古氏天地萬物之祖也然則生物始於盤古今案摩西紀阿羅訶創造天地萬物之次序祚阿樂士論歐拉密創造天地萬物之主宰是其例也風俗

通云女媧搏黃土爲人劇務力不暇供乃引繩絙泥中舉以爲人故富貴賢知者黃土人貧賤凡庸者引絙人今案摩西紀創造世人之始祖韋陀言波綿頭肩膀腳生四等人是其例也淮南子云積陽之熱氣生火火氣之精者爲日積陰之寒氣爲水水氣之精者爲月古聖王之祀神也大者秩望山川微者迎及貓虎秦有黃虵雄雉之祠漢有星辰風雨及天地日月兵陰陽四時八主之祭今案火祆教初以日爲眾陽之宗而拜太陽後以火爲發光之原而更拜火婆羅門論神道有天日晝三

位風火湖海及主宰禽獸昆蟲凶殺諸神且謂無物不可以爲神無神不可以爲物是其例也竊試論之敬天之理今古所同福善禍淫之訓上帝有赫之歌詩書略陳之以垂世戒雖以子貢之智不能事人焉能事鬼易之爲書廣大悉備夫子作贊惟返而求之於人事豈不以垂教之旨當如是邪舜典敬敷五教爲中國言教之權輿子思子作中庸其言性推極於天命矣仍不外率性爲道修道爲教而申之曰可離非道凡所以約人身心而懼其馳情於幽渺之域也佛之爲教清虛浩曠可爲養性清心之助然印度戒殺蛇虎爲殃則道固有時而窮矣求其行萬世而無弊者唯我孔子之教也夫

光緒二十八年壬寅六十一歲

主講嶽麓書院 是歲刻日本源流考二十二卷

成自爲序云先謙錄日本開國以來迄於明治二

十六年癸巳采歷代史傳暨雜家記載參證日本

羣籍稽合中東年表爲源流考二十二卷哀輯既

畢作而歎曰天下禪代獨日本世玉非但其臣民

有所鑒戒取舍而然也以島國子立無鄰故外侮亦弗及焉然自番輪颺至重門洞開情勢岌岌賴豪傑雲集謀議翕合上下之情通從違之機決捐棄故技師法泰西曾不數年屹然爲東方強國余嘗攷其變法之始倍難於他邦大將軍擅權國王守府君民睽隔一也封建日久諸國紛紜不相統壹二也游俠成風政令拂眾輒被狙刺三也迺自西國擾亂而將軍乞退議改郡縣而梗命卽敗羣謗蠶起而執政不撓遂以經緯區寓煥然啟維新之局嗚呼豈偶然哉夫舉一國之政而惟外邦之

從匪易事也而日本行之如轉圜流水此其故亦有二一則地懸海中事簡民樸其先規制取則李唐安德而後權移霸幕王朝無政焉德川氏偃武三百年人士涵濡宋學曉然於尊王之義日思踏幕府而定一尊乘德川積弱之勢藉口攘斥西人責以歸政聳動羣藩納上戶土億兆一心拱戴王室於是英傑在位審時制宜朝廷規模悉由勅立傾一國之人乘方新之氣日皇皇焉惟國制之圖其前無所因故後並不得謂之變非我中國每事拘牽舊章沮隔羣議者比也一則初效西人不得

要領衣服飲食器用宮室刻意規摹虛糜無算人
民重困異議紛起或復舊制或倡民權官與官齟
齟則退歸而謀亂民與官不協則刺殺以洩忿國
是叢脞亦曰殆哉而我中國塞聰蔽明百務苟且
臺灣生番之償金隱中其機權甲午北洋之利益
飽張其威力故彼國之士氣咸伸而更新之機勢
大順矣攷其內政所施惟力課農桑廣興工藝爲
得利之實而以官金資助商會知保商卽以裕國
從而維持附益之斯得西法之精者也中國之海
軍不必論矣鐵路楮幣富強則相須貧弱祇自做

王祭酒年譜

卷中

六

至於學校分門官僚分職非所以治數千年文教
之邦也居今而言變法不必事事慕效惟務開廣
地利毋俾他人我先兼審外商所以歆動吾民而
攫取其財何者最甚亟勸導斯人率作興事行是
二者必以放勛之勞來輔翼爲心匪特不爭其利
亦並不與其事鼓天下之智力以求保我
君民共有之元氣

國家靈長之祚或在茲乎日本得志之後所刊維新
史法規大全諸書揚詡過情觀之徒亂人意不可
概執爲興邦之要道也是書成因附述鄙見以質

當世如此至日本史家文章之美覽者自得之故
不復云 蘇厚康孝廉爲予刊虛受堂詩集起辛
酉訖壬寅爲十五卷成蘇序云自漢魏而後以風
騷鳴者相望也然詣尤至者如唐之杜韓宋之蘇
黃曠數百年而無與超軼豈詩之道信有盡與興
聞詩之言志也志之所之視其遇遇之所感寄於
物自老少恂亨悲訴離合廊廟巖穴干戈絃誦盛
衰相循人事殊異其在於物日月晦明風雲萬變
鳥飛獸走草木摧鬯陵谷崇庳出昭入冥懌愉賦
詠有動於中輸寫而不能自己雖耳目用同而光

王祭酒年譜

卷中

兌

景不匱若是者其果有盡乎哉故讀其詩而其人
之志與事存焉所值之時與其國家隆替之故存
焉古昔之遺躅品物之情狀亦傳託以存焉是之
謂詩以人尊樞擬以爲古貌虛宕以爲性靈其爲
道也易窮其爲情也荒忽而失據昔季札觀樂而
能卽各國之音辨其興廢其事與情不相蒙也詩
之爲道亦若是則已矣今夫聲律詞章之學藝之
末者也迺其深微足以窮幼眇而極才智自古通
人碩士專精畢世僅乃得之至如以他能並擅如
前之昌黎東坡後之竹垞惜抱諸子殆不恆觀固

兼人之才難抑亦斯詣之途邃也吾師精學古學
著述登閱自其少作詩滄涼沈鬱中年宦遊以來
乃更神明變化奄有眾美而於身世之感

君國之大學問之所繫倫紀之所關指事切情展卷
如親如先生者固不僅以詩名卽其成就卓如足
以遐挹曩賢俯式頽俗眡彼專家抑何多讓余嘗
就學先生所居葵園盛夏涼夕風來襲人荷香入
懷神志曠朗先生煮茗論文閒疏示古今詩人指
趣爲樂於少陵東坡諸作尤能闡誦無遺卽先生
所得可知矣 是年十一月初二日部議升祭酒

王祭酒年譜

卷中

卒

爲正三品

光緒二十九年癸卯六十二歲

主講嶽麓書院 自庚子召亂

乘輿播遷亂定後中外諸臣競言時局孔亟民智未開
宜遣士人赴日本游學各省分建學堂以資造就
得

旨允行設大學堂於京師創定章程通行開辦湖南府
州縣亦設中小學堂會城立高等學堂及師範館
俞廩軒中丞請余兼師範館長強而後允之亦恃
中丞相知言無不聽也甫而月俞公解任新撫趙

爾異 至銳意興舉學堂而於士子多所寬假湖南

自梁啟超主講後人心不靖至是耶說朋與排滿
革命之談充塞庠序趙弗顧也余與之議不叶婁
辭不聽革退劣生四名趙送入高等學堂余知其
意時已冬令遂不復至館坐視地方風氣日益敗
壞無術挽救徒呼負負耳 十二月初三日二嫂
楊宜人沒於家廟西側試館嫂與吾妻不叶自母
樞南歸嫂卽別居祈請不聽不復強之四月中爲
嫂及伯母郭太恭人長嫂吳宜人弟婦張恭人建
一門四節坊於南城外官道旁奉嫂親臨瞻視以
慰其守節四十七年之苦志不料遽爾長逝卜吉
於南門外大坤尾山形勢甚佳張兩珊觀察所定
是年十二月二十日部議復祭酒爲從四品

光緒三十年甲辰六十三歲

正月十五日安葬二嫂楊宜人於南城外大坤尾

山 時盛侍郎 宣懷 督辦諸省鐵路率借洋債興

築粵漢鐵路由美國合興公司承辦展延數年私

將股分售與比國比實法俵又借款浮濫中國虧

耗太鉅湘潭梁璧垣大令 煥奎 亟言於余余遂商

之張君兩珊同具呈稿與諸紳上之督撫力請廢

三祭酒年譜 卷中

約張香濤制府深以爲然及陸春江中丞

元鼎 莅

任余又與馮莘垞給練

錫仁致函極論
兩載虛受
堂書札第

二 明年有

朝旨責成制軍辦理此事籌畫經年始得廢去粵漢鐵路舊約歸我自辦從此各省皆知借洋債辦路之害競請籌款自辦蓋中國一大轉機也 是歲刻尙書孔傳參正成序云自伏先生脫秦燼發壁藏以延三代聖經一綫之脈厥功甚鉅歐陽張生傳習本經志記明白而治古文尙書學者誣之曰口授鄙之曰俗儒不恤虛誕競勝過甚其辭文人相

王祭酒年譜

卷中

空

輕豈有量乎古文之阨婁矣阻於巫蠱厭於博士亡於永嘉亂於梅姚且若顯若晦於數百年間劉向取校三家文字異者七百有餘脫字數十賈逵復奉詔撰歐陽夏侯古文同異三卷此於本經爲有實益其卒增訂與否莫能明也馬鄭諸儒可云篤好然其所述不及逸篇致文誼罕通積久漸滅是所謂古文尙書者徒僿儻學藏身之固發千古爭鬪之端已耳獨馬鄭二十九篇傳注於今古文同異藉資推究有助經旨有宋朱子吳草廬氏發僞孔之覆明梅氏鶯繼之

國朝諸儒挾僞扶經既美既備惜其散而無紀尋繹
爲難學者束髮受尚書垂老而不明真僞古今之
辨豈不哀哉先謙從事斯經自史漢論衡白虎通
諸書迄於熹平石經可以揮發三家經文者采獲
略備兼輯馬鄭傳注旁徵諸家義訓其有未達問
下己意今古文說炳焉著明以僞孔古文雖經

純

皇帝論定然功令所布家傳僮習莫敢廢也仍用其經

傳元文增諸考證爲尚書孔傳參正三十六卷以
便讀者雅才好博亦或取斯云爾又爲例略云漢
書藝文志尚書下云經二十九卷班自注大小夏
王祭酒年譜 卷中 聖

侯二家顏注此二十九卷伏生傳授者先謙案此

一篇爲一卷也伏生之二十九篇堯典一連慎微

下皋陶謨二連帝曰來禹貢三甘誓四湯誓五盤五典以

庚六高宗彤弓七西伯戡黎八微子九姆誓十鴻

範十一大誥十二金縢十三康誥十四酒誥十五

梓材十六召誥十七雜誥十八多士十九無佚二

十君奭二十一多方二十二立政二十三顧命二

十四康王之誥二十五柴誓二十六甫刑二十七

文侯之命二十八秦誓二十九史記周本紀作顧

命作康誥明爲二篇則二十九已足並無太誓在內隋書經籍志伏
生口傳二十八篇又河內女子得太誓一篇獻之

宋王應麟說同釋文云太誓與伏生所誦合三藝十篇書疏云伏生二十九篇姍讖序在外皆非藝

文志班自注又云歐陽經三十二卷志又云歐陽

章句二十一卷大小夏侯章句各二十九卷先謙

案云大小夏侯章句各二十九卷者堯典一全皋

陶謨二全禹貢三甘誓四湯誓五盤庚六高宗彤

日七西伯戡黎八微子九大誓十三篇同卷姆誓十一

鴻範十二大誥十三金縢十四康誥十五酒誥十

六梓材十七召誥十八維誥十九多士二十無佚

二十一君奭二十二多方二十三立政二十四顧

命康王之誥二十五棨誓二十六甫刑二十七文

王祭酒年譜

卷中

齒

侯之命二十八秦誓二十九知顧命康王之誥爲

一篇者僞孔序云伏生康王之誥合於顧命以歐陽夏

侯爲卽伏生本誤釋文云歐陽大小夏侯同爲顧命此其

明證也既以康王之誥合於顧命則二十八矣仍

爲二十九者王充房宏皆云後得太誓二十九篇

始定是後漢人見歐陽夏侯本皆有太誓合爲二

十九篇之明證也云歐陽章句三十一卷者分盤

庚爲三篇故也詳盤庚本篇云歐陽經三十二卷者併

經三十一卷序一卷數之經三十二卷而章句三

十一卷者西漢人不爲序作解詁也馬鄭始爲序作傳注藝

文志又云尙書古文經四十六卷班自注云爲五

十七篇先謙案云四十六卷者據藝文志云孔安

國所得壁中古文以考伏生二十九篇云伏生二十九篇則

是無太得據此篇多十六篇爲一卷共四十五卷釋文云

馬鄭之徒百篇之序總爲一卷以一加四十五是

四十六卷也馬鄭序總一卷蓋本孔壁之舊陸德

明但見馬鄭本如此故據以爲言也得多十六篇

者書疏引鄭注書序云舜典一梅賾所分非汨作

二九共九篇十一大禹謨十二益當作稷十三五

子之歌十四胤征十五湯誥十六咸有一德十七

王祭酒年譜 卷中

奎

典寶十八伊訓十九肆命二十原命二十一武成

二十二旅獒二十三冏命二十四漢書律厯志有

載之三統術者是古文有畢命矣穎達作冏命命冏當爲畢字之誤也惠棟王鳴盛說同以此

二十四爲十六卷者九共九篇共卷除八篇故爲

十六是也云爲五十七篇者書疏又云鄭於伏生

二十九篇之內案此歐陽夏侯分出盤庚二篇此

陽所分以康王之誥此歐陽夏侯合於顧又秦誓

三篇爲三十四篇此就歐陽夏侯本有太誓者分

更增益僞書二十四篇此孔穎達袒僞孔傳以此

棟云漢志先述逸書後稱張霸百兩篇明逸書非百兩經典敘錄云百二篇文意淺陋成帝時劉向

校之非是後遂黜其書校古文者向也識百兩之
非古文亦向也豈有向撰別錄仍取張霸僞書者
篤學如康成亦豈以民間
僞書信爲壁中逸典者耶

爲五十八桓譚新論亦

云古文尙書舊有四十五卷

除序言之

爲五十八篇僞

武成疏引鄭云武成逸書建武之際亡譚云五十
八者譚沒於世祖時在建武前武成未亡班云五
十七者班作漢書在顯宗時武成已亡故也書

疏引馬融書傳序云太誓後得案其文似若淺露
此孔壁不見太誓之明證也使民間得之孔壁又
與之符合馬豈能爲此言乎然龔自珍以爲今古
文皆無太誓則又非也謂今文無太誓何以處王

王祭酒年譜

卷中

矣

充房宏之說彼二人皆親見今文有太誓者也明
伏生與夏侯歐陽二本之不同則諸說無所闕礙
矣鄭書論依尙書緯云孔子求書定可以爲世法
者百二十篇百二篇爲尙書十八篇爲中候讀後
得太誓赤烏白魚之文與中候合明其爲中候則
有以處太誓矣漢魏人無謂伏書爲今文者晉
宋之間始有之如徐廣史記音義今文尙書作不
怡之類裴松之三國志注今文尙書曰優賢揚歷
是也至釋文正義則今文之稱愈顯皆對僞古文
而名之龔自珍云伏生壁中書實古文也歐陽夏

侯之徒以今文讀之傳諸博士後世因曰伏生今
文家之祖此失其名也孔壁固古文也孔安國以
今文讀之則與博士何以異而曰孔安國古文家
之祖也又失其名也先謙謂今文固無定之稱因
時代而異秦漢今文是謂隸書隋書經籍志今字
尚書十四卷

孔安國傳謂隋世已有
今字蓋劉焯炫等所爲

衛包所改亦

號今文則今之楷字是已周代以倉頡所作爲古
文籀書爲今文秦初則李斯小篆爲今文其改用
隸書在始皇焚書之際伏生當漢文時年九十餘
上溯爲秦博士齒方壯強所習尚書應從篆體未

王祭酒年譜

卷中

七

必尙是古文元本亂定之後發壁藏以教齊魯亦
周易作今文非歐陽夏侯始以今文讀之也藝文
志云六體者古文奇字篆書隸書繆書蟲書顏注
古文謂孔子壁中書志又云史籀篇者周時史官
教學童書也與孔氏壁中古文異體說文序云宣
王太史籀著大篆十五篇與古文或異至孔子書
六經左丘明述春秋傳皆以古文蓋古文所書之
本文如今所摹鐘鼎款識籀篆則周代通俗文字
與古文兩體並行漢志云異體說文云或異雖變
古不全異也孔子以古文書六經不用時字蓋尊

經之意安國以今文讀尙書其古文真本固在實有專稱通儒傳授不沒其本來而以爲與今文博士無異稱古文者失其名又非也 司馬遷爲史

記時止歐陽尙書立學故遷書敘述五帝三代秦本紀魯衛宋蔡晉齊燕世家無不原本伏書漢書儒林傳云司馬遷亦從安國問故遷書載堯典禹貢洪範微子金縢諸篇多古文說然則堯典諸篇以外皆今文說可知孫星衍以遷爲用古文誤也兩漢博士治歐陽夏侯尙書載在令甲平帝詔立古文莽滅遂廢後漢古文雖盛不立學官詔冊章

王祭酒年譜

卷中

亥

奏皆用博士所習蔡邕石經亦據學官本至應劭徐幹之論著介於漢魏之間則頗有出矣緯書漢人所作漢碑通用今文皆與書義相證發明其時代限斷而後可以言今古文之別也 法言問神篇云昔之說書者序以百漢書藝文志云故書之所起遠矣至孔子篡焉上斷於堯下訖於秦凡百篇論衡正說篇引俗儒說云

俗儒謂今文博士

尙書二十

九篇法北斗七宿四七二十八其一曰斗直至孔

安國書出方知有百篇之目漢書劉歆傳歆移太

常博士書云往者綴學之士保殘守缺以尙書爲

備臣瓚注當時學者謂尚書惟有二十八篇

除序言之

書疏云鄭序以爲虞夏書二十篇商書四十篇周書四十篇是百篇之說在孔壁書出後壁書止多十六篇云百篇者當是據序知之然史記本紀世家所云作某篇者五十餘條其文字說解與古文書序多異瓚是今文書序據此已不止二十九篇至大傳之引九其帝告佚文史記之引湯征湯誥佚文及書文之見於孟荀禮記左傳所引皆不止二十九篇之明證博士之以尚書爲備特專己守殘之成見非真不知有百篇也 據漢書儒林傳

王祭酒年譜

卷中

堯

安國古文都尉朝膠東庸生胡常徐敖涂暉桑欽遞相傳授後漢書稱張楷作注衛宏作訓旨賈逵作訓則得多之十六篇不容無說而書疏引馬序云逸十六篇絕無師說疑都尉朝等所傳但習其句讀而不釋其文義張衛賈之注訓皆止解二十九篇其後康成作注分伏書爲三十四逸篇爲二十四凡五十八篇

見書疏

而逸篇仍無注

釋文云馬鄭所注並

伏生所誦非古文也案陸所謂古文卽指梅賾僞書言陸及見馬鄭注若鄭有二十四篇之注當有流傳於後陸不得爲此言以此知鄭惟注三十四篇也又堯典疏云鄭注尚書篇數並與三家同是鄭未注二十四其故皆不可曉朱子云孔壁得古篇也說本江聲

文儀禮五十六篇鄭康成曾見且引其文於注中不知緣何止解十七篇而三十九篇不解竟無傳焉案鄭於尙書逸篇不注與儀禮同王鳴盛以爲古文在東漢未立學官故鄭亦不注其或然邪

或疑後漢杜林所得西州漆書一卷

見本傳

非古文

尙書真本然後漢儒林傳載尹敏楊倫孫期周防以及周磐張楷皆習古文所稱授受淵源與林無涉又孔僖自其祖安國以下世傳古文是安國真本具存林何從而僞之且賈逵傳言逵父徽受古文於涂暉逵悉傳父業儒林傳又言杜林傳古文

王祭酒年譜

卷中

一百

尙書同郡賈逵爲之作訓馬融作傳鄭元注解由是古文遂顯於世使林傳贗本逵豈肯舍父業而

爲林書作訓乎蓋必漆書與孔壁文字頗有同異

足資考證或且有勝於安國所傳者

古文四十六卷漆書一卷

蓋非全本故逵旣作訓而馬鄭諸僞雖於古文別有師

承益重此本也安國本藏於中秘其副本流傳

民間庸生之徒私相授受不無譌脫變亂如我其

試哉上脫帝曰

史記五帝紀有堯曰

夔曰八字重出優賢揚

作心腹腎腸殷三宗無太宗而有祖甲必非孔壁

之舊據此知薄今愛古者未嘗平心考覈也歐陽

夏侯三家皆今文說小夏侯當古文出後其文義乃頗合於古文亦趨時之一驗矣王莽時古文立學義說漸盛如禹貢所述水地桑欽輩舛之立六年克殷劉歆舛之厥後衛賈馬出古文之說大明康成作注雜糅今古旁通曲暢又爲書學一大變風會日新涂軌歧出高才超世囊括眾家蓋有不得不然者近儒強仞爲今文知亦非鄭所心許耳

向疑賈馬許鄭皆大儒何以必舍今從古及觀石經漢碑文字多譌乃知今文因當時通行不免

王祭酒年譜

卷中

直

譌俗諸君好古故鄙棄今學也但今文有譌俗不妨以古文參攷古文無說解仍兼采三家所長庶爲盡善乃諸君詆謀今文別張幟志學官未立微顯不常王肅輩得乘其隙僞造孔安國傳後人誤信之而東漢古文與西漢今文同歸於盡且諸君之崇古文崇其文字之古耳唐衛包乃盡易以譌俗之字又豈諸君所及料者哉

說本皮錫瑞

僞孔之

辨定於

國朝

天子考文之功美矣盛矣諸儒力闢僞經推見至隱擷

其精粹各載本篇自熹平石經亡後今文遂無完本二十九篇反藉僞傳而存古書遺碣可以參證文字同異馬鄭傳注亡佚宋以來頗有輯本所當全采以暢經旨眾家疏解治爲一鑪時有管闕弗忍割棄增塵足嶽庶幾企而梅書廿五詞旨坦

明益之傳語祇形駢贅他篇舛謬隨文記注間襲馬鄭亦加披抉假託安國初無主名唐陸德明云王肅注大類古文孔穎達又云其言多是孔傳已頗滋疑議矣近儒推勘皆謂傳出肅手尤莫詳於

丁晏尙書餘論今取傳義與王注合者條繫經下
王祭酒年譜 卷中 頁

以資證明晉書皇甫謐傳言古文授受淵源謐亦與撰古文者也肅之孔叢家語謐之汲郡紀年本

冀輔眞轉以證僞心勞日拙其自贊那 凡以古

字易經文如郭忠恕薛季宣所作自唐至今有集古篆繕寫

之尙書號壁中本二十四篇亦在其中蓋集說文字林魏石經及一切雜奇之字爲之釋文序錄云穿鑿之徒務欲立異依傍字部改變經文疑惑後生不可承用據此唐以前久有此僞書至郭忠恕作古文尙書釋文晁公武刻石於蜀薛季宣爲書古文訓宋人多誤以此爲壁中眞本

以時字易經文如衛包所改唐明皇不喜古文天寶三載命集賢學士衛包改古

文爲時字名之曰今文尙書其改古字多錯謬詳段玉裁古文尙書撰異至宋開寶中陳鄂等奉詔刪改釋文令與包相應而以古書易經文如近儒舊音古字無可尋求矣

取經傳諸子說文所引尚書以改本經

其意以爲安國真本

如是但馬鄭與僞孔不同處榘槩已具於釋文正義不當於釋文正義外斷其妄竄且魏晉人作僞時衛賈馬鄭之書尙存皆知爲安國遞傳之本作僞者斷不敢取三十四篇塗改字句令與安國傳本不類以欺天下之疑故堯典雖析一爲二而慎微之上未著一字後有愚者乃爲之耳瓊琳其或僞書偶有竄易證據瑯璚

以臆說易經文如近者仍各揭明於本篇句下

儒點竄經字以伸己見若宋儒改經之爲皆亂經之甚者也包改之謬詳具本篇餘屏不取

光緒三十一年乙巳六十四歲

修曾祖榮祿公考妣以下三世祠堂於稻穀倉落成舉春秋祭禮歲爲常 陸公莅任甫半歲調任

王祭酒年譜

卷中

重

江蘇人甚清正惜去惡之力不猛代者爲滿洲端方公亟與余善時仿日本例開設圖書館於會垣請余總理館事余謝不敏允爲編纂新學書數部以塞其意於是有編輯外國通鑑五洲地理圖志畧二書之舉造端宏大年力已頽未卜果能竣事否也

光緒三十二年丙午六十五歲

會城居久酬應紛雜葺東鄉涼塘莊屋五月移寓

毛妾從焉八月李夫人六十誕辰復入城九月後

瀏陽匪警東鄉孔道故未再往然數月僻處朝夕

編摩所得爲已多矣 去歲有英國流氓貝納賜
在省城太平街開設豫亨泰洋行眾議請官諭遷
出城道員張鶴齡倡爲華洋雜居之說言於撫部
云不妨照日本辦法令貝納賜在省開行必不可
則與領事訂約年限以待外國正商之至余力言
於撫部以中國無治外法權外人雜居後患無窮
省城重要尤非他處口岸可比一省允行各省援
以爲例訂約年限萬不可行與鶴齡往復論難至
七八次新撫龐勛菴中丞鴻書卒從眾紳之請給
費與貝納賜令其遷移出城已而英公使復向外

王祭酒年譜

卷中

四

部要素部推湘撫復令眾紳集議湘潭袁海觀京
尹樹勛抗言力阻復倩江南督幕汪君代擬公呈

達之撫部據情轉致各領事並由紳士電告外部
嗣後不聞外人更有要請矣致張鶴齡書上撫部
公呈並載虛受堂書

札二自粵漢鐵路廢約議起張雨珊勸設籌款

購地公司言之督撫以雨珊及席沅生觀察匯湘

爲總辦主持局事而余與龍芝生侍郎爲總理余
以其虛名也聽之既而京外有公舉總理數人任
事之議余電達張治秋尙書百熙力辭並託人面

懇張制軍勿以余名入告制軍初次電奏派余與

袁京尹前江西臬司余堯衢

肇康

三人總理湖南

鐵路局事電云王先謙品學兼優資望老成主持

正論不徇流俗於爭索路權一切深得贊助之力

等語余復手書懇辭制軍遵

旨查奏湖南商務情形並舉余及袁余總理張席協理

摺云王先謙倡議爭路學望均優而商務未經研

究現該祭酒亦遜謝不遑擬以王先謙爲名譽總

理但資其議論稽察之益不責以用人理財之勞

奉

旨著照所請余感激萬分從此可優游局外壹志讀書

王祭酒年譜

卷中

三

實餘生幸事不通商務之名固樂受之而不辭也

余門人梁節菴

鼎芬

陳臬鄂中入都

陛見疏請

旌獎已故直臣存問家屬復片奏請起用陳閣學

寶琛

吳御史

兆泰

而以余名裒然首列奏云王先謙覃

思經術忠愛敢言自江蘇學政任滿後乞病回湘

表章學術著書滿家士林奉爲楷模於近日浮薄

邪謬之習最所痛斥實爲一代大師與陳寶琛吳

兆泰三員忠悃未衰精力皆健及今擢用尙有圖

報之時讜論嘉謀必不負

國等語余讀之慚赧自問當今時局即使

聖朝采及菲材壹志孤行何能有所補救且名心素淡
廿載閒居亦無幡然復出之理惟良友盛意致可
感耳

光緒三十三年丁未六十六歲

余頭眩之疾已愈數年四月中復發傾跌一次幸
未中風痰

天 祖大恩感謝何極從此閉關謝客不敢出戶庭

一步矣 督部張中堂撫部岑堯帥會咨學部稱

前任祭酒王先謙學術純正博通古今衛道憂時

王祭酒年譜

卷中

頁

士林宗仰請派充湖南學務公所議長五月內經
學部奏奉

俞旨余於學務無所通曉屢次託吳自修學使懇辭不
蒙允許衰年多疾於公務更復何裨亦東坡好寫
銘旌之比耳 六月張中堂來電云鄂省奏設存

古學堂奏稿想已入覽即日開學以延訪名師爲

第一義台端純正博通當今山斗惟蒲輪未必樂

於遠遊擬奉請爲名譽總教每年春秋佳日隨意

來鄂一次與諸生講論數日春風一拂自必倍加

奮興榮幸多矣千萬勿拒即日電復云鈞命何敢

有違惟先謙今夏因頭眩傾跌自四月至今未嘗
出門蒲柳先零徒增愧歎加以妻老妾病兒子稚
弱不能一日離家瞻望高雲但有感謝伏祈矜宥
爲幸 學務公所送月支議長夫馬銀二百兩當
卽繳還吳學使允爲另款存儲畱備學務實用因
具呈督撫擬設立貧民簡易小學堂十數處以爲
眾倡較有實益當蒙批允因函懇學使由公所派
人經理於明春開辦 函呈並載虛受堂書札二卷是歲捐銀壹仟肆百兩 是
歲爲兒子祖坤報捐主事改名興祖

光緒三十四年戊申六十七歲

王祭酒年譜

卷中

頁

禮部因奏開禮學館纂修禮書延聘各省顧問官
紳採訪學識閎通達於治體之人以資贊助余亦
與焉奉

旨允准三月內禮部照會來湘余以年力衰頹不能勝

任函致張少宗伯

亨嘉

辭之

五月內撫院奏爲

在籍大員學賅體用著述足傳謹將書籍數種進
呈

御覽懇

恩特予褒獎以重儒臣而孚士望恭摺仰祈

聖鑒事竊維宿儒知古而不必知今名士有文而不必

有本惟進則擅通材於當世退則養清望於名山
學足以闡道原識足以達時變粹然儒者早荷

聖朝特達之知卓爾傳人有關疆吏表揚之責臣愚既
有所見不敢壅於

上聞查有長沙縣在籍前任國子監祭酒禮部奏派禮
學館顧問官王先謙由翰林院庶吉士授職編修
官至國子監祭酒歷充雲南庚午科江西乙亥科
浙江丙子科鄉試正副考官甲戌庚辰會試同考
官江蘇學政任滿請假回籍旋因病陳請開缺其
在學政任內務以昌明經術嘉惠士林爲己任曾

王祭酒年譜

卷中

頁

奏刊

皇清續經解一千四百三十卷及南菁書院叢書一百
四十四卷餉益來學功非淺鮮歸里以後歷主嶽
麓城南各書院講席時學者方鶩於帖括聲律之
途而該祭酒務以經術造士講求根柢端正趨嚮
導迪漸漬出其門者率多經明行修淵雅純懿之
材不僅科名擅門牆之盛已也其後興辦學堂一
時少年輕俊之流不明設學宗旨徒恣喜新厭故
之情尋滋過中失正之病該祭酒以耆德碩望鎮
雅黜浮與其鄉之人士講明正學力挽澆風以爲

知新必本於溫故培根乃可以達支於省城設立師範館研究教育要旨復勸辦簡易小學堂十餘所以爲教育實練之地用示童蒙養正之方湖湘學風賴其維持之力爲多前年升任湖廣督臣張之洞收回粵漢鐵路該祭酒主持正論不徇流俗於爭索路權一切深資贊助嗣復與臣會同咨由學部奏派該祭酒充湖南學務公所議長稱其學術純正博通古今均在

聖明洞鑒之中至其生平所致力學問之見端則有著作二十餘種大都皆務實之學有用之書如攷求

王祭酒年譜

卷中

覓

掌故則東華錄二百卷東華續錄四百三十卷校
栗

欽定天祿琳瑯書目前後編三十卷其釋經訂史則有尙

書孔傳參正三十六卷漢書補注一百卷其參訂諸子古傳記則有荀子集解二十卷校正鹽鐵論十卷世說八卷水經注四十卷郡齋讀書志附志共三十二卷日本源流考二十二卷其謨集藝文則有續古文辭類纂三十四卷駢文類纂四十四卷旁及鄉邦文獻之書共百餘卷而見在編輯將成之五洲地理圖志爲書尙復不少其研精覃思

蓋窮二十餘年之力於此洵可以信今而傳後茲
將所著尚書孔傳參正漢書補注荀子集解日本
源流考四種裝潢成帙恭呈

乙覽在該祭酒名籍通顯原無待著述之足徵而志量
深闕於此見淵源之有自臣查各省凡薦舉者碩
進呈撰述其本係四品大員歷蒙

聖恩優予褒異

賞給內閣學士銜暨三品卿銜者曾不乏人誠足彰
盛世重道右文之治爲薄海砥才勵學者風方今學說
紛歧儒流腐陋安得此耆名高義主鎮囂風亦安

王祭酒年譜

卷中

三

得此大雅宏材進蒸文化今該祭酒王先謙以名
世之才蔚經世之作本斯文之緒衍斯道之傳功
用甚宏而關繫甚大合無仰懇

天恩俯賜

特加優獎庶

眷存

日下侍從之班不祇傳藝林之盛事

榮被山中顧問之選俾咸欽禮典於儒宗出自

逾格鴻慈實於政教學術大有裨益謹會同湖廣總督

臣陳夔龍恭摺具

奏伏乞

皇太后

皇上聖鑒訓示奏入交南書房閱看尋覆奏稱五月二十八日

發下前任國子監祭酒王先謙所著書四種臣等公同閱看一曰尙書孔傳參正三十六卷案漢孔安國傳至晉豫章內史梅賾始奏上之唐孔穎達等爲之正義自宋朱子以來於其依託之處遞有辯論至

國朝閣若璩作尙書古文疏證其事灼然愈明然朱子王祭酒年譜

卷中

聖

語錄嘗有名物訓故究賴之以有考亦何可輕等語今王先謙之書博采兩漢經師微言大義歷朝諸儒考證訓釋以引申孔傳之舊誼而於梅賾增益之二十五篇一一注明凡古今義之散見故籍者尤能得其塙證犁然悉當洵爲體大思精之作可補正義所未逮一曰漢書補注一百卷以唐顏師古舊注未盡賅洽因取唐宋以來之說輯爲補注旁徵博考鉤鈎詳明較之惠棟後漢書補注其用力之勤可與相埒一曰荀子集解二十卷以唐楊倞注爲主參以王念孫郝懿行諸人之說折

衷己意於苟書精義多所發明一曰日本源流考
二十二卷於彼國治亂得失政事學術皆能闡見
本原而以編年之體旁搜官私記載用能擇精語
詳綜觀王先謙所著各書洵屬學有家法精博淵
通淹貫古今周知中外堪以上備

乙覽謹 奏六月初三日奉

上諭前據湖南巡撫岑春蓂奏遞前國子監祭酒王先
謙所著書籍四種當交南書房閱看茲據奏稱該
員所著尙書孔傳參正漢書補注荀子集解日本
源流考各書洵屬學有家法精博淵通淹貫古今
王祭酒年譜 卷中 聖
周知中外王先謙著加恩賞給內閣學士銜用示
嘉獎宿儒之至意欽此旋具呈撫院云爲呈請代
奏叩謝

天恩事六月十三日奉

大帥大公祖照會內開六月初三日奉

上諭前據 全錄至 至意欽此照會欽遵 先謙 當卽恭設

香案望

闕叩頭謝

恩訖伏念 先謙 濫廁詞曹迭司文柄漸陟司成之長未

精造士之方視學東吳雖竭思而慚無寸補馳情

北闕緣嬰疾而遂賦閒居每聞時事之多艱投筆猶思奮起勉守舊書而熟讀積年時有闕尋辱

疆吏之稱揚荷

綸音之褒獎頭銜特晉汗簡增輝

先謙

惟有炳燭頽齡

括囊前典焚膏油於五夜永矢微躬淬厲之誠達

書名於四方上贊

盛世文明之化所有感激下忱理合呈請

大帥大公祖大人代奏叩謝

皇太后

皇上天恩謹呈撫院據情入奏奉

王祭酒年譜

卷中

聖

旨知道了欽此 去歲

特允廷臣之請仿照外洋辦理立憲期以十年成立令

各省設諮議局爲自治基礎先立籌辦處於會城

撫院請余及趙御史啟霖譚編修延闓湯觀察魯

璠爲會辦固辭不獲因復函云鈞函並公牘領到

諮議重要懼弗克任辱荷誣諉何敢不遵

先謙

舊

疾積久不平奔走職務恐非所堪如蒙鑒諒許得

挂名籍末以時效納或冀一二微中以答川嶽之

施公費所不敢領謹先陳明猶忝竊議長意也又

地志西鑑久負諾責假年之想誠結於中切欲壹

精凝神以畢斯願惟祝節麾久鎮眾志甯肅

先謙

得以衰朽餘生與享安靜無事之福為幸多矣不
勝區區之誠 是歲捐學務議長銀貳仟肆百兩
諮議局籌辦處會辦夫馬銀壹仟叁百伍拾兩入
學務公所

王祭酒年譜 卷中

馬



學務公所

精誠夙著無懈會辦夫馬銀壹仟叁百伍拾兩入

學務公所

精誠夙著無懈會辦夫馬銀壹仟叁百伍拾兩入

精誠夙著無懈會辦夫馬銀壹仟叁百伍拾兩入

